

Геннадий
Юшков

ВИЛЬЫШ
ВОЙТЫР



Геннадий Юшков

ВИЛЬЫШ ВОЙТЫР

КЫВБУРЪЯС
СЫЛАНКЫВЪЯС
ВИСЬТЪЯС
МОЙДЪЯС
НӨДКЫВЪЯС
СЕРАМТОРЪЯС
КЫВПЕСАНЪЯС



КОМИ КНИЖНОЙ
ИЗДАТЕЛЬСТВО
СЫКТЫВКАР 1974

С (коми)
Ю—96

Юшков Г. А.

Ю—96 Вильыш войтыр. Висьтъяс, кывбуръяс, мойдъяс.
Сыктывкар, Коми книжнӧй издательство. 1974.

64 лб.

Поснияслы Геннадий Анатольевич Юшков синс унакодъ гижӧд. Сылӧн висьтъяс да кывбуръяс, мойдъяс да тешъяс вооны сьблӧм выльӧ быдмысь войтырлы.

Тайӧ книгаӝ пырисны гижӧдъяс, кодъяс петавлісны нин водзджык торъя книгагсбн, а сідз жӧ выль, бӧръя кадӧ гижӧм произвезденияс.

0762—042
Ю $\frac{\quad}{\text{M128(03)—74}}$ 41—74 м

С (коми)

© КОМИ КНИЖНОЕ ИЗДАТЕЛЬСТВО, 1974 г.

ГӨРД ФЛАГА МУ

Кылö сьыланкыв гор,
Абу сьылöмыс нор.
Лöсьыд челядьлы тан,
Налөн шудныс оз ям.

Медым шоглун эз су,
Видзö гөрд флага му.
Видзö-төждысьö сідз,
Ленин шуöма кыз.

ШКОЛАӨ

Өти-мөд бөрся
Поснияс уна
Первойысь таво
Школаө мунам.

Тэрмасям быдөн,
Сёрмөмысь полам.
Кыпыд да мича
Со мяян школа.

Артасыны, гижны
Велалам бура,
Миянысь шуда
Код талун сюрас!

ДРУЖБА

Кор чукөстис Ленин,
Мед перйыны шуд,
Став нарпитөм венны
Сэк кодэ эз сувт!

И войвылын, тані,
И лунвылын, сэн,
Голь войтырыс паніс
Сэк өтувъя вен.

И лёкөн код воис,
Сэк бурөн эз мын.
И дружбаыс лоис,
Кыз медаджыд вын.

Ми дружба жө панам,
Мед некор оз кус:
Өд шусьö странаным —
Сөветскöй Союз!



МИ — ОКТЯБРЯТА

Медся посниось ми татён,
Школа кодяс.
Но ми ветлам нин отрядён,
Миян нимным — октябрията —
Со ми кодыяс.

Отвылысь ми ставён олам,
Отсасьёмён.
Ыджыд уджным миян — школа,
Кёни велёдчыны колё
Бура сёмын.

Морёсаным кодзув öйё
Зарни серён.
Оз ков сёянтор моз вöййём,
Быдён водзё лоны көсйё
Пионерён.

СИЙÖ ВАЙИС ПОБЕДА

Шонтö шондыс бура,
Гөгөр вежөдö сад.
Отнас копыра юра
Изйысь вöчём салдат.

Вая сылы ме дзоридз,
Сэсся сулышта чöv.
Сылён олöмыс ори,
Кор ме эг на и вöv.

Чужан му вёсна муніс
Врагкѳд вѳвлытѳм жось.
И — мед подвигыс вуніс,—
Некыдз, некыдз оз позы!

Сійѳ бойысь эз петав
Сѳки нѳль сѳѳкыд во.
Сійѳ вайис Победа,
Кѳть и ачыс эз ло.

ГРАНИЦА

Кыті вѳра, кыті виддза,
Кыті ѳль да рас.
Кузя нюжалѳ граница —
Чужан мулѳн тас.

Бывла вылыс быттьѳ узьѳ,
Некѳн пон оз увт.
Сѳмын пондыв локны гусьѳн,
Пыр и кылан: «Сувт!»

Ѳткодь туй пом ставсѳ суѳ,
Кѳді вайѳ лѳк.
Сѳтшѳмыслѳн миян муѳ
Мед оз тувччы кок!

Сѳтшѳмыслы тан оз вичмы
Гуся ордым-вѳнь.
Сюся видзѳ пограничник
Чужан мулысь лѳнь.

ЛЕНИНЛӨН ГӨСНЕЧ

Ёгорушка садьмис пöлатяс, жöнi век узьлис. Сийö тiльыштiс ки мышнас унзиль синъяссö да бöрддзис.

— Мый нö бöрдан?— юалис пачводз дорсянь мамыс.

— Кынöмöй сюмалö. Нянь вайышт.

— Час, дона пи, час.

Ёгорушка дугдiс бöрдны. Сидзкö, мамыс водзöсалöма кыскö пызь да кöсийö пöжавны нянь. Дерт, кач сорөн, мед унджык лоö. Ок, кутшöм мустöм сэтшöм няньыс Ёгорушкалы! Мый нö, пöтны он пöт, а сöмын кынöмыд висьö.

Но нинöм он вöч, быть сёй. Тшыгнад овны абу жö любö.

Керкаын друг кутiс кывны пöсь нянь дук. Сийö эз вöв сэтшöм, кутшöм овлö сора няньлөн. Ёгорушка азыма кыскыштiс нырнас, нюждчис пöлать дорö да видзöдлис улö. Бергöдöм пызан вевт вылын куйлисны банйöм шаньгаяс. Насянь кайис кельыд ру.

Ёгорушка öдйö вуджис паччөрö, валегиасис сэни да чеччыштiс джоджö. Мамыс видзöдлис сы вылö да шуис:

— Мыссы да вöлись.

Ёгорушкалы зэв эз вöв окота мыссынысö. Сийö весиг дузмунли. Но мамыс эз веж ассыс кывсö. Ковмис мыссыны.

— Позьö, мамö?— зiля чышкис чужöмсö да матыстчис пызан дорö Ёгорушка.

— Вот öнi позьö,— мелiа нин вочавидзис мамыс.

Ёгорушка бöрийис медся паськыл шаньгасö, ыджыда курчис сэтысь. Торйис вöли сэтшöм чöскыд, мый нямлялис да эз дзык пыр ньылышт, а видзыштiс кыв йылас. Та бöрын чупкöдiгтыр сёйис шаньгасö дзоньнас.

— Ме мöдöс, мамö, босьта. Но?



— Босьт, босьт, — тшöктіс мамыс.

— А кысь миянлы та мындаыс, мамö? — юалис Ёгорушка сёйиг-мозыс.

— Тайö... тайö Ленин дядя тэныд гөснеч ыстöма. Помнитан, исполкомад сійöс петкөдлісны? Стенас тай, рамка пытшкын?

— А-а, помнита, — шуис Ёгорушка. — А сійö нö тöдö менö?

— Сійö став челядьсö тöдö.

— Дзöля Коляös и?

— Да.

— Степан Нинаяös и?

— И сійös тшöтш.

— Дзик ставсö?

— Дзик ставсö нин, буракö.

— Вот тайö Ленин дядя! — шензис Ёгорушка.

Пөттöдзыс сёйис сійö Ленин дядялысь гөснечсö. Обедайтны весиг эз кут. Пасьтасис да петіс ывлаö. Сьöрсыс босьтіс ещö öти шаньга, мед ошійсыштны ёртъясыслы.

Вичко шор йылын, кытчö веськөдчис Ёгорушка, тыдалісны нин челядь. Найö сулалісны мышкөн да эз казавны сылысь локтöмсö.

— Со! Ленин дядя ыстöма! — горöдіс Ёгорушка да мыччөдліс шаньгасö.

Челядь бергөдчисны, видзөдлісны шаньга вылас, но ньöти эз чуймыны.

— Миянлы, чайтан, эз ысты? Со! — шуис Дзöля Коля да петкөдліс сера дора гөгрös көлөб.

Ёгорушка кыйкнитліс öтарö-мөдарö. Быдөн мыйкө кутісны кианыс: коді шаньга, коді көлөб, коді кызку. А Степан Ниналы Ленин дядя ыстöма пувъя пирөг.

Ошійсыны лои нинөмөн. Ёгорушка лэдзис юрсö. Челядь сералісны сы вылын, но эз лёкысь. Сэки и аслас Ёгорушкалөн серамыс петіс.

Пансис сёрни. Ошкисны Ленин дядяös гөснечьяссö ыстöмысь, сысь, мый некодös абу вунөдöма. Сэсса сёйисны Ленин дядялысь гөснечьяссö да кутісны ворсны. Ворсісны кутасьöмысь. Налы вöлі зэв гажа.

И некод эз тöд, мый тайö гөснечьяссö пöжалісны налөн мамъясныс асьныс. Тöрыт сёрөн нин сиктас вайисны карысь шобді да юклісны гөля олысьяслы. Мамъясыс войнас изісны сійös ки помысь да асывнас пöжалісны, коді мый көсйис. А шобдісö карас збыльысь ыстіс Ленин.

Сылы кывсяс, мый Комиын тшыгъялӧны, да пырысьтӧм-пыр жӧ тшӧктас отсавны коми йӧзлы.

А вӧлі тайӧ зэв сьӧкыд кадӧ — 1918-ӧд воын. Ӧнія шуда олӧмыс сэки сӧмын на сувтіс мян му вылын. Озыръяслысь нартитӧмсӧ вӧлі нин уськӧдӧма, но найӧ эз на кӧсйыны сетчыны бурӧн, водзсасисны. И Ленин ёрт юрнуӧдӧм улын гӧль войтыр венісны да венісны найӧс. Воюйтіс выль олӧм пондаыс и Ёгорушкалӧн батыс.

А ӧні ачыс нин Ёгорушка олӧма морт. Быдмис да велӧдчис, уджӧ босьтчис. Вӧр лэдзис, из шом перйис, кӧрт туй нюжӧдіс Коми му кузяла, заводъяс кыпӧдіс, нефть да газ корсис. Некор весь эз овлы, и ӧні оз. Медтыкӧ бурӧс вӧчны йӧзыслы, кызди и Ленин.

Но гӧснечӧ Ленинлысь век помнитӧ, некор оз вунӧдлы.



СЕРЖАНТ САЖИН

1

Милицияса сержант Иван Сажинлы звонитисны да тшөктисны лоны дасьон петны туйо. Вит минут мысти по локтас тиянла автомашина да нудас аэропортө, сени по виччысьо нин самолёт «ЯК-12». Ковмас по лэбзыны Кырря сиктө. Вошөма по вит арөса нывка Надя Самарина.

Сэтшөм нин сержант Сажинлөн уджыс: оз-оз, сэсся друг кытчөкө чукөстөны. Лөкторыйд тай век виччысьтөг лоо да кывсьо.

Но Иван Сажин оз элясь татшөм удж вылас. Сылы, вөвлөм пограничниклы, сьолөм сертиыс, кор колө өдйө кодөскө туявны, мед лөк вөчөмсыйс эз мын, а бур йөзыслы отсавны. Сийөн и вөзйысис милицияас, воис армиясьыс да.

Вөзйысис эз кытчө босьтасны, а поньяс динө. Тадзи ачыс и шуис:

— Ме эськө, позьо кө, поньяс динө... Ме накөд кужышта нин уджавнысьо.

Ошйысьнытö абу лöсьыд, да сы вöсна Сажин и шуис «кужышта».

— Мыйла нö оз позы!? — вочавидзисны сылы.— Да и колö мянлы сэтшöм мортыс.

А медым бур туясян пон быдтыны, абу на и кокни. Оз на ачыс сэтшöм понйыд быдмы, сöмын пöттöдз вердöмысь. Ок, кутшöма на колö сйöс велöдны, да мед эськö и бур рöдысь вöли, ёсь ныриса.

Том пон, кодöс аслыс вылö бöрийис Иван Сажин, бур рöдысь и вöли, бур «бать-мамлөн»: кузь да жöдзыд ныр-вома, топыд да зэлыд шошаа, косньöд да пельк. Сöмын шуйга водз кок вылас ляпмунлис котрöдлігас. Вөлөмкö, доймылöма: зэв нин вылісянь чеччыштöдöмаöсь. Мукöд понйыс повзёмаöсь да абу чеччыштöмаöсь, а сйö чеччыштöма. И таысь сэсса быттö и мыжмöма: лыддисны сйöс шогмытöмөн нин.

Но Иван Сажинлы воис сёлөм вылас буретш тайö том понйыс. «Аслам»-өн сэсса и нимтіс сйöс.

Медводз Сажин шойччöдыштіс Асламсö, эз песöд весьшөрö сылысь доя коксö. Пыравліс Аслам дінас сідз пукалыштны, пель сайсö сылысь гыжйыштны.

— Час, бурдлам на, — вомгорулас шульвліс Сажин, и Аслам сылы вочасөн кутіс эскыны, меліа шпыньöдліс пельяссö, вөрöдіс кыз бöжнас.

Аслам дзикöдз бурдіс, зіяа котраліс да чеччаліс, туясис, пöрысь-джык понъяслы весиг эз кут сетчыны ныриснас.

Сэсса коркö и Сажин да Аслам медводдза «удж» вылö мунісны, войын лавка ректысьясöс корсьны. И корсисны да кутісны. Аслам не-кытчö эз сорассьыв, вайöдіс кытчö колö.

Артыштны кö öні ставсö, мыйта нин бурсö Аслам вöчис, мый дон нин бөр бергöдіс гусявлөм эмбурсö, но коді нö кутас артасьны?! Сэтшöм нин налөн уджыс — милицияса сержант Иван Сажинлөн да Аслам нима овчаркалөн.

И друг кö бара корöны кытчöкö Сажинöс, колö гөгөрвоны, мый корöны оз öтнассö сйöс, а Асламыскöд.

2

Ичöтик да кокныдик «ЯК-12» самолёт лэбис карсянь Эжва катыд, весьтасавліс ю чукульяссö, тэрмасис Қыръя сиктö. Лөза-вежа шыльк-видзис улын вөр-ваыс. Тувсов ытваыс усыны нин кутöма да тыдалісны тшöтш и чепöсйөм туруна видз бöжъяс.

Сажин пукаліс лётчыкыскöд орччөн, а на бөрвылын куйліс Аслам.

Сійö лыбöдлывліс юрсö да никöстлывліс. Некор на сійö эз пуксыыв са-
молётад, да поліс лайкнитлёмсыыс, кöнкö, чайтіс, мый вот уясны.

Часөн-джынійөн кымын лэбисны, воисны Қыръя сикт весьтö. Тані
вöлі ичöтик аэродром. Сэтчö и пуксисны.

Сажинлысь воёмсö тöдісны нин, да тырыс йöз локтісны самолёт ді-
нас, дерт, тшöтш и вошöм нывкалөн бать-мамыс.

А сиктад век сідз: кытчö йöз, сэтчö и понъяс. Найö медся шумёи и
вöчисны, Аслам вылö кутісны увтны. Но Аслам эз шыасьлы воча, сöмын
эрыштавліс гусьöникөн. Öти-кö, сійö вöлі удж вылын, некор сылы, а,
мöд-кö, сійö вежöра пон, абу на кодь ывла шызьöдысь.

Мунісны Самаринъяс ордö. Сэні Сажин водтöдіс Асламс да до-
мыштіс пызан кокö, дерт, мода вылас, а ачыс кутіс юасыны Самарин
гозъялысь кыз-мый лои. Мукöд йöзсö Сажин эз лэдз пырны.

3

Тöрыт рытладорыс вошöма Надя Самарина, вит арöса нывка. Öт-
пöлöса, дзик öти платтё кежысь.

Бать-мамыс да гырысьджык чой-вокыс мунасны картофель пукты-
ны. Надяс тшöтш нуодасны, мед пö сэн межаас ворсас, öтнассö оз
лысьтны гортас колыны.

Вöv бöрся пуктысясны, гөрöмөн. Батьыс гөрö, а мамыс да чой-вокыс
пуктысьöны.

Надя вöлөм котралö, вижъяор межасыс öктö, петкөдлыны мамыслы
волас дзоридз ки тырсö. А сэсся кытчöкö вошö. Абу и абу.

Став сиктнас нин сійöс корсясны, горзасны-чуксаласны. Важ юк-
мöсьяс, сёй гуяс, пывсянъяс видлаласны — некысь оз сюр. Быттё вöлі
и сылі.

А муыс, кытчö картофельсö пуктісны, вөр дорын матын. Пожөм со-
ра коз понöль сэні дорланьыс быдмö, сэсся вöрыс пыр гырысьмö да
пемдö, сöмын пес керасьяс волöны.

Корсясны и вөрсьыс, оз жö сюр.

Но öд морт воши, тадзи он эновт. Юöртасны районö, сэсянь карö.

И шогыс абу сöмын бать-мамыслы да чой-вокыслы. Быдөнлы та
ыджда шогыд инмö да мөрччö, кöть эськö синванад и он отсав.

Öти надея нин и кольöма: оз-ö понійөн кыськö сюр, ловъя ли ку-
лöма.

Батьыс кутчысис на кутшöмакö, сöмын дөрөм морөссö öні Сажин
водзын някраліс, а мамыс и сыркмунлі-бöрддыліс висьтасигас.

Дерт, эз дыр Сажин юась. Коліс вѣчны мыйкѣ, кысянькѣ пондыны корсьны.

Сажин исѣдіс Асламлы Надялысь ичѣтик ковтасѣ да нѣшта мый-сюрѣ.

Ковтасѣ сѣсся Сажин босѣтіс сѣресьыс, сы вѣсна мый Надя сійѣс тѣрыт на пасьтавлѣма.

Мунісны му вылѣ. Сажин бара исѣдіс Асламлы Надялысь ковтасѣ да тшѣктіс корсьны.

Аслам котралыштіс межаті ѳтарѣ-мѣдарѣ да вѣрлань нырѣн зѣлѣдіс домсѣ, нетшыштѣмѣн кыскыштіс ас бѣрсяыс Сажинѣс.

Со нин джуджыд вѣрѣ найѣ пырисны, пес чипас дінѣ волісны, сѣсся кодзувкоткар дінѣ. Со нин туй ни ордым оз тыдав некѣн. А Аслам кыскѣ и кыскѣ Сажинѣс, котѣртѣдѣ ас бѣрсяыс.

Вѣрад ылавны абу сѣѣкыд. Гырысьяс на ылавлѣны, оз гѣгѣрвоны, кодарѣ колѣ петны. Шулѣны тай: юр вежѣрыд пѣ бергѣдчѣ, мѣдарѣ мунсьѣ. Тадзи жѣ, тѣдѣмысь, и лон Надякѣд. Пырис ворсѣгмоз вѣрас, ѳтилаѣ-мѣдлаѣ воліс, водзѣ на окота лон ветлыны, а сѣсся и ылаліс, воштіс туйсѣ.

Кѣні вот эськѣ ѳні сійѣ? Гашкѣ, абу нин и ловья? Мудзтѣдзыс муніс да муніс, а сѣсся кытчѣкѣ купкыртчис. А войыс ыркыд вѣлѣма.

Сажинѣс шог босѣтлѣ татшѣм мѣвпсьыс. Эбѣсыс весиг бырыштлас, лолыс тырлѣ.

Но оз позь сылы сетчыны шогыслы. И Сажин котѣртѣ да котѣртѣ Аслам бѣрся, сы моз жѣ чуклѣдлѣ.

— Бе-бе-бе! — друг кыліс жбырмунѣм. Байдѣг вѣлѣма, еджыдгѣрд сера ѳні. Аслам сувтліс да эрыштліс сы вылѣ: повзѣдчан пѣ.



А байдөггясыд гожомнад нюр вылын олөны, васөдиньн. Сажин пыр и вежөртис, мый васөдин, сидзкө, воө.

Вутшкось да нуйтось восьсаин сэсся и воис. Кок туйыд пыр и бөр шылясьб. Мунан, да быттьо абу и мунөмыд.

Аслам падмылис, отарө-мөдарө сетчылис, сэсся нориника никөстис.
— Аслам, корсь! — шуис Сажин да личодыштіс домсө.

Чукльөдлөмөн вуджисны васөдинсө, виж нитшка да пожөма вөр воис. Вөр пөлөныс и веськөдіс Сажин понсө. Од вуджис кө быттьо Надяыс тайө васөдинсө, нитш вывсьыс сьлөн кок туйыс Асламлы бөр сюрас.

Муныштісны мыйтакө вөр пөлөныс, и Аслам зэлөдіс домсө, вылө лэптылөмөн лют-лёт вөчис кыз бөжнас: сюри пө.

Бара Сажинлы ковмис котөртны да котөртны Аслам бөрся. Пөсьыс Сажинлөн тюрөбөн нин чепөсийлис юрсьыс, и сапөга кокъясыс сэтшөма сьөктаммисны. Көть сувтлы да лолышт, а то и пуксьыв.

Но некор. Бджыдысь-ыджыд мог налөн Асламкөд, и колө тайө могсө збыльмөдны.

А Аслам пыр зэлөдө и зэлөдө домсө, нетшкысьб, никсышталө: матын пө нин, лэдз. Сэсся тай кыз нетшыштчис.

Сажин лэдзис. Аслам пыр и вурыштіс веськыда, эз нин туясь ве-сиг. Здук-мөд коли, и увтөм сьлөн кылис: тані пө.

Мудзыс Сажинлөн быттьо эз и вөв. Кос ув вожъясьыс да лыс лапъясьыс синсө видзигтыр уськөдчис увтөм вылас.

Йөжгыльтчөма, куньса синьяса, өтпөлөса, куйлө пожөм улын Надя, а сы дінын Аслам, бөжсө легөдө. Татшөмтор аддзис Сажин, воис да.

Надя ловья на вөлі, но мудзысла, тшыгйысла да кынмөмысла эз нин кыв нинөм. Сажин босьтіс сійөс мездорас, тубыртис ковтанас, а сэс-ся сайөдіс асла паськөмнас. И өдйөджык бөр сиктө.

Нимкодъыс вөлі Самарин гозьялы и быдөнлы сиктас, кор Сажин вайис Надяөс, ловьяөс на.

Дерт, ковмис на бурдөдны Надяөс, төждысьны сы понда, но медся ыджыдторсө вөлі нин вөчөма.

— Сө пасибө жө нин, бур мортөй! — нимкодъысла бөрдигтыр аттьө-ліс Надялөн мамыс.

— Аслыд, сержант өрт, и понйыдлы! — сьөлөмяньыс содтіс батьыс.

— Нинөмысь,—вочавидзис налы Сажин да малыштіс Асламсө.

СӨСТӨМ ДӨРӨМ

Мамыс пасытөдiс Васяөс сөстөм дөрөмөн да шуис:

— Талун өд он нин мун трактор дiнад?

— Ог,— нурбыльтiс Вася.

— Гораа шу «ог»-сө,— тшөктiс мамыс.

— Ог,— гораджыка вочавидзис Вася.

Мамыс эскана видзөдлiс сы вылө да ачыс восьтiс керка өдзөссө. Вася тэрыба петiс ывлаө.

Төрыт сiйө лунтыр гурьясис трактор вылын. Трактористыс, Ёгор дядьө, весиг лэдзлiс кутыштны рычагьяссө, кодьясөн веськөдлөны. Локтiс Вася гортас рытладорыс. Зэв өдiйө пөрччис сьодасьөм дөрөмсө да дзевис крөвать улас. Мамыс кутiс чышкыны джоджсө да казялiс. Юалiс Васялысь, көнi татшөма няйтөсьтiс. Ковмис висьтавны. Мамыс көсiис някыртно Васяөс юрсiөдыс, но сiйө удитiс кайны паччөрө. Сэсянь и кывзiс мамыслысь видчөмсө.

Керкаяс сайын, ыб вылын, кылiс трактор шы. Корсюрө тыдовтчылiс и ачыс тракторыс. Сы бөрся вөтлысисны ракаяс да скворечьяс.

Васяөс кыкис сэтчө жө, но эз лысьт муннысө. Сiйө кайис потшөс вылө да асьсө ылөдлiгмоз кутiс видзөдны мөдлапөвлань. Нинөм вылыс эз тыдав сэтысь: видзьяс шылквидзисны жө, вөрыс сулалiс сэтшөм жө.

А трактор заводитiс муравны нөшта ёнджыка, быттө дэльөдiс Васяөс, ышөдiс локны. Төдлытөгыс Вася ньөжiбник бергөдчис ыблань чужөмөн.

— Бара нин трактор дум вылад? — горөдiс мыш саяс мамыс, кодлысь петөмсө Вася эз кывлы. — Мунлы сөмын!

Зонка чөв оліс, эз шыась. Мамыс сулалыштіс да мөдөдчис удж вылө.

Вася лэччис потшөс вылысь, лэптіс муысь чаг, шыбитіс сійөс. Мөд чаг лэптіс да шыбитіс. А коймөдысла дыш нин лои копыртчывнысө.

Трактор шы вочасөн шымыртіс Васяөс. «Муна да вөйыся кө, Ёгор дядь эськө бара орччөн аскөдыс пуксьодас, веськөдлан рычагьяссө лэдзлас кутыштны, гашкө, ачыс весиг сэки мынтөдчылас. А дөрөмөс от сьөдөд дай!» — мөвпыштіс Вася. Тайө мөвпыс и вөрзөдіс сійөс места-сьыс.

Ёгор дядь казяліс Васяөс да сувтөдіс тракторсө, мыччысис кабинасьыс:

— Бара локтін? Мамыд төрыт эз вид?

— Эз, — копыртіс юрсө да вочавидзис Вася.

— Но, эз кө, и бур! — шуис Ёгор дядь. — Пуксьы.

Мөдысь тшөктөм Вася эз виччысь, өдйө кайис трактор вылө, пырис кабинаас да пуксис Ёгор дядькөд орччөн. Ёгор дядь нюмжөвтис сылы да вөрзөдіс тракторсө.

Муракыліс-ветліс ыб кузя трактор, корсюрө небыдика нетшыштчывліс. Куим амыся гөр вөтлысис сы бөрся, куим визьөн гугөдіс лым улысь петөм руд мусө. Чим сьөдөн дзирдыштліс шонді водзын гөрөминис, өткымынлаті весиг лөсталіс, быттө выя бордйөн нуөдөмаөсь. Вераліс гөрөм му весьтын сынөдыс, гы ва моз лайкъяліс.

Төрытъя моз жө Вася гусьөник нюжөдіс кисө да тшөтш кутчысис матыс веськөдлан рычагас. Ёгор дядь казяліс, но нинөм эз шу.

Рычагыс вөрис, быттө мынтөдчыны зілис Вася кийсь. Вася кутіс чорыда, сөнъясыс килутш дорас весиг польдчыштисны зэлалямысла. Кыліс, кызди вочасөн мудзис да сьөктаммис кийс.

— Оз өд пышйы, эн сэтшөма кут! — доровтіс Васялань юрсө да сөралігтыр шуис Ёгор дядь.

Вася личөдыштіс кабырсө. Пыр жө төдчымөн кокняммис кийс, вөс-нялісны килутшдорса сөнъясыс.

Дерт, эз Вася веськөдлы тракторнас. Кор ковмыліс, Ёгор дядь ачыс кыскыштліс веськөдлан рычагьяссө. Но Вася сюся кыйөдіс Ёгор дядь-лөн кияс бөрся да, мый удитліс, тшөтш отсавліс.

— Көсян веськөдлыштны? — друг юаліс тракторист.

— Көся! — радпырысь ышловзис Вася.

Ёгор дядь паськөдыштіс кокъяссө, сэсся босьтіс Васяөс кыкнан ки-

няулöдыс да пуксьöдiс пуклöс вылö ас водзладорас. Вася пыр жö кутчысис веськöдлан рычагъясас.

Трактор ньöжмöдыштiс öдсö, сэсся бөр öддзöдчис. Быттö кык дöра, помтöм, лöз рöмаöсь, люзьгисны и люзьгисны му вылö гусеницаысыс. Öдiö матысмис ыблөн помыс.

Вася шöйöвоши, мыш кузяыс йирмög котöртiс. Мый вынсьыс чабыртiс веськöдлан рычагъяссö, куткыртчис: тыдалiс нин ыб помын ваөн тырöм джуджыд гуран.

— Асланыд кыскышт! Веськыдладорасö асланыд! — горöдiс Ёгор дядь.

Вася эз вöв сьöкыд пеля, велалiс, но повзьöмысла шöйöвоши да кыскыштiс асланыыс шуйгаладорса рычагсö. Трактор сыркмунли, ыръянитысь вöв моз шыбитчис шуйгавыв. Сiйö жö здукас Ёгор дядь кутчысис веськыдладорса рычагас да бөр веськöдiс тракторсö, а сэсся бергöдiс.

Вася чайтiс, мый Ёгор дядь вöтлас сiйöс да водзöвылö матö оз сибöдлы. Ас вылас скöрысла ёна доймытöдз курчис улыс вом дорсö.

— Тöкötьö кö, пышйис миян тракторыд! — серам сорөн шуис Ёгор дядь.

Васялөн личалi быдөн сьölöм вылас.

— Сорасси ме, — яндысис сiйö.

— Абу дивö! Он öд ме моз кызь во уджав, — кайтыштiс Ёгор дядь.

— Но, веськöдлы! Гөрöм вылас со тракторыд пырö.

Вася кыскыштiс асланыыс шуйгаладор рычагсö, и трактор бөр петiс гөрöм вылысь, кутiс мунны веськыдладор гусеницаыснас бөрöзда кузя.

Некымын кытшов вöчис Вася. Қорсюрö Ёгор дядь тшöтш кутчыслiс веськöдлан рычагъясас. Сiйö полис на лэдзны тракторсö öтнас Вася вылö.

Вася зэв ёна кöсийс, мед эськö аддзылiс кодкö челядь пиысь сылысь тракторөн веськöдлöмсö, но некод матын эз тыдав.

Қор зонка мудзис, тракторист бөр пуксьöдiс сiйöс аскöдыс орччөн.

Пуклöсыс небыда лайкъялiс. Васяöс вугыр босьтiс. Сiйö доровтчис кабина пельöслань да чöскыда унмовсис. Нинöм эз торк сылысь унсö — ни пуксөн узьöмыс, ни тракторлөн гора шыыс.

Садьмис Вася да чуймис: тракторыс сулалö, а кабинаас сiйö öтнас. Видзöдлiс трактор пöлөн, аддзис Ёгор дядьöс, кодi кималасасис моторас.

— А-а, садьмин? — шпыньмуніс Ёгор дядь. — А ме, аддзан, мый-та тэ узигкості гөри!

— Мый нө лои? — юалис Вася да чеччыштіс муё.

— Нинём! Помала нин! — өвтыштіс кинас да вочавидзис Ёгор дядь. — На, кутлы! — мыччис Васялы квайт пельөса нейджыд гайка да ичөтик болт.

Босьтигмозыс жө гайкаыс да болтыс вильснитісны кисьыс. Мед эз усьны муё, Вася зэв өдйө лёсьөдіс мөд кисө да топөдіс морөс бердас. Сэтысь сэсса и шамыртіс. Любө весиг лои, мый эз уськөд. Но видзөдліс морөс вылас да муртса эз бөрддзы: маслөөссьөм дөрөмыс лөсталіс веж рөмөн.

— Вай, — корис Ёгор дядь гайкасө да болтө. Сійө пыр жө аддзис да гөгөрвоис, мыйла Вася жугыль. — Аттө, маслөбьстөмыд тай дөрөмтө!

— Мед, — шуис Вася да мырдөн сорөн вөчліс серамбана чужөм.

— Абу эськө мед да! Лоёма нин, да сійө-а! — вочавидзис Ёгор дядь.

Тракторсө лёсьөдөм бөрын сійө вөчис нөшта некымын кытшов, сэсса лэччис пажнайтны. Вася лэччис ськөд.

Керкаясыс Ёгор дядьлөн да Васяслөн пөшти орччаось. Та вөсна дзик горт дорөдзныс найө локтісны өтлаын.

Вася мөвпыштіс: пыралас гортас да сөйыштас, сэсса босьтас май-төг да лэччас ва дорө, пелалас сәні дөрөмсө; рыт кежас дөрөмыс кось-мас, мамыс нинём оз и төдлы.

Но мамыс буретш вөлі гортас: пукаліс өшинь дорас да панясис. Сійө водзджык казяліс Васяөс, петіс паныд кильчө вылас.

— Ой-ой-ой! Кутшөмөс бара дөрөмсө вайө! — шуис мамыс да швачкис бокьясас кияснас.

— Ме өд эг нарошнө, — шай-паймуні Вася.

— Нарошнө көть эн! — горөдіс мамыс. — Ок, ёна и нөйта талун!

— Энлы, энлы, Парук! — шыасис Ёгор дядь. — Нөйтнытө век удитан. А вот колө-ө нөйтны?

— Юрөдыс оз-ө ков таысь малыштны? — содтөд скөрмис Васялөн мамыс.

— А, гашкө, и колө! Тэнад пиыд уджө босьтысь! Мөдысь, гашкө, кутшөм механизатор лоө.

— Ог төд, мыйкө таысь лолө оз, — ыджыда ышловзис Парук.

— А ме шуа: лоө! — чорыда гөдчөдіс Ёгор дядь.



ЧЕРИ

Витя гудыртö гөп. Посни черияс кольччöмаөсь сэтчö тулыснас, ва усигас. Öнi найö чутмунлöны-зурасьлöны Витялөн кокъясас.

Тöрыт сийö гудыртис жö öти гөп, кык ыджыд ки тыр кыйис черисö. Талун асывнас мамыс пöжалис черинянь. Пажун дырйи сёйисны зня-пия тайö чериняньсö.

— Со öд пий менö чериөн нин вердö! — ошйысис мамыс йöзыслы. Витялы зэв нимкодь лолi.

Но öнi сийö жугыль, завидь синъясөн видзöдльвлö веретя вылö. Сэни чöвтöны ыджыд зорöд. Челядь ваялöны сэтчö юрьяс, панласьöны öта-мöдныскöд, збойджыкъяс весиг нёръялöны вöвъяснысö. Гөнитигас горзöны, быттö кодкöдкö водзасьны мунöны. Витялы окота жö юрсö кыскавны, но бригадирыс, Семö дядьö, оз сибöд: ичöt пö, усян пö вöв вывесьыс да дойман.

Гөптын ваыс гудырмис: содз и босьтан, а ки пыдöсьясыд оз нин тыдавны. Черияслы сьöкыд лои лoлавнысö, вылын юрөн кутисны ветлöдльыны ва вёркösöдыс. Витя лöсьöдчис кыявны. И буретш сэк кодкö чукöстис сийс. Витя эновтчис кыялöмсьыс, видзöдлис. Зорöд дорсянь

өвтiс сылы кинас Семö дядьö, корис сэтчö. Зонка öдийö петiс гöптысь да котöртiс веретя кузя.

— Аддзан кымöрсö?— индiс енэжö Семö дядьö.

Вөр сайсянь кыпöдчис сьöд кымөр, джоджö кисьтöм ва моз паськалiс енэжас.

— Аддза, — вочавидзис Витя.

— Зэрмытöдзис колö йылавыны зорöдсö,— висьталiс Семö дядьö.— Со Карко прöст сулалö. Пуксы да тшöтш кыскав юрсö. Верман он?

— Верма! — радпырысь эскöдiс Витя. Ачыс полiс: а друг кө бригадирыс бөр вежас думсö?

Зонка тэрыба кавшасис Карко вылö, тракнитiс сермöд поводсö. Карко эз вөрззы, сöмын видзöдлiс син пöвнас.

— Но! — горöдiс Витя да öвтыштiс поводнас öтарö-мöдарö.

Вөрзбöмөн тшöтш Карко мöдiс гөнечөн. Витя повзис, кутчысис вöвлы бурысяс. А паныд локтiсны вöлаяс — челядь вайисны юръяс. Мед не янöдны асьсö, Витя топöдiс мый вынсьыс кокъяссö да мынтöдчис бурысьысь. Эз усь. Дофыда ышлолалiг, гөнитiс водзö.

Вит турун юр вайис Витя, эськö унджык на удитiс зэрмытöдзис, но эз коль сэсся юрыс.

Чöвтысьяс зiлисны, кодi кутшöма вермис. Войтасьны заводиттöдзис на эштiс зорöдыс. Ёсь вевта кузьмöс керка кодь лои.

Зорöд дорын сулалiс пашкыр пожом. Сы улö и дзевсисны пуктысьысьяс, мед вывтi не көтöдчыны. Медбöрын локтiс Семö дядьö. Сийö сибöдчис Витялань да гораа шуис:

— Молодеч! Аски кутан он кыскасьны?

— Кута! — окотапырысь вочавидзис Витя.

Гöп весьтын, кодöс гудыртiс Витя, лэбалiсны ракаяс. Зэрмигкежклад найö дзевсывлöны жö кытчöкö, а öнi быттьö вунöдчöмаöсь: пуксыласны гöп дорас да бөр невылö качöдчыласны. Весиг гымыштöмсьыс эз повзыны.

Друг ракаяс кутiсны кравзыны лёкысь. Ставөн видзöдлiсны сэтчань. Горш лэбачьяс мырддьысисны сынöдас ыджыд чериён, нетшкисны сийöс.

— Сир, буракö, — шуис кодкö.

— Со эськö чериыд вöли, ачыд кө кыйин! — шыасис Витя дiнö Семö дядьö.

— Мед! — вочавидзис Витя.

НАДЯ ДА ЛӨЗУК

Надя — кукань видзысьлөн ныв.

Лөзук — еджыд жокъяса, лөз мышыла кукань.

Надя мамыскөд частө вольвлө картаө, отсасьö идрасыны. Сийö радейтö куканьяссö, но медся ёна радейтö Лөзукöс. А Лөзук радейтö Надяöс, мелі синъясөн видзөдö нывка вылө, век судзөдчö кыткö нюлыштны.

Тайö сөстөм йитöдыс чужи со кызд. Öтчыд куканьясöс лэччö-дiсны ю дорö. Лөзук сэк зэв на шчөт вöлі, но тшөтш вөтчис.

Енэжын дзирдаліс шондi, веськыда шөжис. Куканьяс йирсыштасны да пыраласны ваö ыркөдчыштны, сэсся бара йирсыштасны да бара ваö.

Пажун гөгөр Надялөн мамыс кайис гортас өттор-мөдтор вöчны: рыт-асывсö өд сийö оз эшты, а Надялы тшөктiс олыштны куканьяс дорас. Мыйыс оз вермы лоны накөд?! Локтас, шуам, кутшөмкö кукань бужөд дiнö, а бужöдыс кырдаc, и усьö куканьяc.

Надя пуксис бужөдсянь неылö, кутiс öктыны гөгөрсьыс дзоридзьяс да кыны юркытш.

А мөдлапөвса вөр сайсянь лыбөдчис нин кык вевся кымөр. Надя сийöс казаяліс, жор медводдза зэр тусьяс инмисны пельпомас да мышкас. Зэрмис зэв ёна, сувтсөн пондiс шливгыны. Куканьяс пырисны коз пуяс улö. Öти коз пу улö котөртiс и Надя, жмитчис ствол бердас. Сэтысь сийöс зэрыс эз босьт. А куканьяс вылын здукөн эз коль кэс места: көтасисны да пöшти өткодь руд рөмаөсь лоисны ылісяньыс. Йөжгыльт-чөмаөсь ставныс, торйөн нин Лөзук. Сийö кадысь кадö тiрмунлö — сэтшөма кынмö. Надялы зэв жаль лои Лөзукуыс. Нывка пөрччис вывсьыс жакетсö, локтiс кукань дорö да плавкнитiс сылы мыш вылас. Лөзук дугдiс кынмыны. А регыд и зэрыс кобис.

Сэсянь Надя да Лөзук радейтöны öта-мөднысö.

Пырас Надя кукань видзан картаө да шуас:

— Лөзук!

А Лөзук небыда вочавидзас:

— Му-у!

Мамыс Надялы висьталіс, мый коркö Лөзукуысь зэв бур мөс лоас. Та вöсна Надя шöшта нин төждысьö Лөзук вöсна.

МИЯН СИКТЫН



Миян сиктын этша вөв,
Кыскасыштны сөмын.
Но пыр унджык яй да йөв
Сетö сиктным öнi.

Дасысь унджык, вильсыс-виль,
Трактор öнi миян.
Öти здукөн эштö, збыль,
Сьöкыд уджыс сийөн.

Весиг муяс вылысь из
Трактор öнi öктö,
И ме лoa тракторист,
Oз ков меным тшöктöм.

ВИДЗА КОЛЯН, ШОНЫД ГОЖÖМ

Видза колян, шоньд гожöм!
Видза олан, кыпыд ар!
Пемыдвижöсь коз да пожöм,
Корья пуыс биысь яр.

Енэж паськöдчöма лöза,
Мустöм зэрсö оз на вай.
Муяс вылын бара йöза:
Тырыс локтö урожай.

Радлö гöрысь, радлö быдөн:
Збыльмис ыджыд-ыджыд мог.
Гортас öнi пемыд рытöдз
Некод ыб вылысь оз лок.



ВЕЛОДЧЫ

Ставыс быттьо тӧдса:
Велӧдысь и школа.
Пырин тэ выль классӧ,
Тӧкӧтьыштӧ полан.
Тайӧ абу лектор,
Ставкӧд овлӧ тайӧ:
Ыджыд классыд нӧшта
Ыджыд тӧждлун вайӧ.

Сьӧлӧмяньыд босьтчан,
Сьӧкыдлунсӧ венан,
Арттыштӧма содас
Вежӧрлуныд тэнад.
Тӧдӧмлунтӧг ӧнӧ
Оз позь некыз овны.
Велӧдчы, мед бӧрас
Эз ков сесся повны.

БЫТТЬӦ КАРЫН

Миян сиктын унджык керкаыс выль. Эжва дорсянь кӧ рытнас видзӧдны, сиктным дзик кар кодь. Гӧгӧр югыд би.


Водзтӧ вӧчлӧмаӧсь кӧзӧдьяс. Йи да лым вӧлӧм сэтчӧ пыртлӧны. Гожӧмнас сесся видзӧны сэнӧ ӧдӧй тшыкысь сӧян.

Ӧнӧ миян эм жӧ кӧзӧд. Сӧмын аслыспӧлӧс. Сылы оз ков лым ни йи, ачыс кынтӧ. Ток отсӧгӧн. Шусьӧ — холодильник. Ми сэтчӧ пуктывлам яй, вый и чери.

А ковмас кӧ пеласьны, огӧ нин пыртлӧй кузь вор да сера пӧв. Ставсӧ машинаӧн пелалам. Абу и ыджыд сӧйӧ, а дзонь чукӧр вит минутӧн пелалас.

И телевизор миян эм. Москва и Сыктывкар видзӧдам. Миян сиктын зэв уналӧн телевизорыс.

Олам ми сиктын, а быттьӧ кӧнкӧ карын.



НЫВКАЛОН ВИСЬТ

Менам мам быдтор кужо вочны. Тöрыт на сэтшöм мича партук меным вурис, а талун зэв чöскыд шаньга пöжалис.

Водз асывнас мам оз овлы гортын. Сийö идрасьö картаын, посни куканьясöс видзö. Турун сейны найöс велöдö.

Школа бöрын ме тшöтш ветгывла картаас. Отсая мамлы. Енджы-касö ме юан дозьяссö весала турун ёгьясысь. Сэсея кималасөн видлала да тöдмала, кутшöм кукань лоö сюра.

Мам — бур уджалысь. Сийöс век ошкöны.

Мамöс кыкысь нин корлисны карö. Бөрьясыся сийö тшöтш сёрнитöма зэв уна йöз водзын.

Ме эг чайтлы, мый кукань видзöмысь вермасны сетны орден. Абу öд, мися, тайö кутшöмкö подвиг. А мамлы сетöмаöсь Ленин орден!

И газетын мам йылысь гижлисны. Уджывьса геройөн вöли гижöмаöсь. Ачым лыддыли.

Но и та бöрын мам оз пуксы вылö. Удж вылас зиль, а йöзыскöд шань. Сöмын менö видгывлö мисьтöма гижöмысь.

Таысь ме ог лөгасылы сы вылö. Менö сийö бур вылö велöдö. Ме помтöг радейта мамöс!

ОГ КОЛЬЧЧЫ ВОКЫСЬ

Воис армияысь менам вок. Эз на дзикöдз. Сийöс лэдзöмаöсь гортö дас лун кежлö, отпускö.

Вокöй ракетчик. Ракетанас медся öдийö да медся бура лыйöмысь и лэдзöмаöсь. Тшöтш и кымынкö ёртöс сылысь.

Вок петкöдлис меным карточка. Сэни сийö сулалö паськöдöм знамя дорын. Тайö ракетной полкыслөн знамяыс. Бура служитöмсыс тадзсö вокöс снимайтöмаöсь.

— Ми видзам енэж, — висьталис вок.

Вок нöшта висьталис, мый веськавны ракетчикö абу кокни. Школаад кö лёка велöдчин, оз на и босьтны. Ракетчикыдлы пö колö кужны öдийö да стöча артасыны. А то пö лыян, да он и инмы.


А кутшöм ён вокöй! Ме öшöдча сылы сояс, а сийö менö кокниа и лыбöдö. И мöд сойнас тадзи жö.

Со кутшöм менам салдат-вокöй!

Ме нинöмөн ог кöсйи кольччыны сыысь.

ПОСНИЯСЛЫ СЫЛАНКЫВЪЯС

ТАЛУН ПРАЗДНИК



Шонді, пемыдсö тэ пасьнит,
Вöтлы ме моз асьыд ун.
Талун праздник, ыджыд праздник
Сöвет мулön чужан лун.

Талун татöни и сэтöн
Гора шыалö Москва.
Флагön ывлаö ме пета,
Тожö горöда: «Ура!»

ПЕРВОМАЙ



Кöдзыд көть тöлыс,
Повзис на тай.
Бара со тулыс,
Первомай.
Первомай! Первомай!
Ноко, йöктыштамö вай.
Вылöджык, шонді,
Енэжас кай.
Талун ми пасьям
Первомай.
Первомай! Первомай!
Ноко, йöктыштамö вай.
Гажöдчас быдön
Асьыс мед пай.
Отчыд öд вонас
Первомай.
Первомай! Первомай!
Уна радлун бара вай.

МАМӨ, ЭН ВИД

Медым зэв нййтось
Чужом и ки,
Талун тэ, мамө,
Менө эн вид.

Талун ми помим
Ичөтик шор.
Абу өд тайө
Виданатор.

Мынас на нййтыд —
Ыджыд тай шог.
Мысся да сёя
Кык тасьті рок.

Аски тэ меным
Унджык на пу,
Быдмыны колө,
Помны мед ю.



ИВАН ДА МИ

Локтіс отпускө Иван,
Пельпомас погоньяс.
Стройон бөрсьыс ветлөдлам
Дженьыд гача зоньяс.
Коді сэн, коді сэн
Торкө строй?
Өти-кык, өти-кык,
Стой!
Сувтіс, видзөдө салдат
Эжва дорса нөрыс.
Кольом во на сійө тат
Трактор вылын гөрис.

Водзө — марш, водзө — марш,
Тэрыб строй!
Өти-кык, өти-кык,
Стой!
Ылын-ылын пө эм яг,
Сэтөн пө ракета.
Уськөдчылас пө мед враг, —
Сэтшөм водзөс сетам!
Сьылігтыр, сьылігтыр
Восьлав, строй!
Өти-кык, өти-кык,
Стой!

МЕНАМ СЕРҚО




Менам Серко ыджыд пон,
Гашкө, көинысь на ён.
Лэчыд сылөн гыж и пинь,
Синмас öзйö югыд кинь.
Ачым быдті сійöс ме,
Пöжкөм йöлөн верді век.
Öнi сейö нянь и рок,
Ветлө мекöд, быттö вок.
Сöмын сёрнитны оз куж:
Эг öд мортөн пö ме чуж.
Но и мед, мый абу морт,
Меным сійö зев бур ёрт.

МЫЙ, КÖТЬ И ВÖТАСИ

Лэбны ракетаён
Уси мен шуд.
Югниті сэтчö,
Көн енэжыс руд.
Та öдйö лэбигад
Некод оз су.
Видзöдлі сöмын,
Кыз ичöтмö му.
Мый, көть и вöтаси,
Мый, көть и вöтаси, —
Быдма да лэбзыла збыль.
Лэба да сьылгтыр
Мöвпала ме:
«Мыйлакö нинöм оз
Паныдась век?
Кытөн нö тöлысьыс,

Эз мöй ло яр?»
Видзöда: водзвылын
Виж рöма шар.
Мый, көть и вöтаси,
Мый, көть и вöтаси, —
Быдма да лэбзыла збыль.
Тöлысь и вöлöма,
Матын нин со.
Пукси да юöрті:
«Нинöм эз ло.
Дзоньвидза тані ме,
Радлунөн тыр.
Кутшöми тöлысьыс,
Висьтала пыр».
Мый, көть и вöтаси,
Мый, көть и вöтаси, —
Быдма да лэбзыла збыль.



ЫДЖЫД НИН

Ичѳт Валялѳн ворсигас чачаыс уси петшѳр пиѳ. Валя кѳсийлис судзѳдны чачасѳ, но петшѳралис кисѳ да бѳрддзис.

А Юрик сѳки буретш вѳли пукалѳ кильчѳ вылас да вѳчѳ ньѳввуж. Сийѳ кылис бѳрдѳмсѳ да локтис Валя дорѳ.

— Чачаѳй петшѳр пиас уси, — вѳмсѳ вежыньтѳмѳн шуис Валя.

— И та вѳсна бѳрдан? — юалис Юрик.

— Дерт, ог вермы судзѳднысѳ да.

— Ой, лоѳма тай судзѳдантор! Ѳти здукѳн судзѳда.

— Верман? — юалис Валя.

— Ог вермы? Кѳть куш жиѳн судзѳдчыла да бѳсьта.

И Юрик нарошнѳ пуджис сосѳѳ, нюжѳдчис, кималасѳн корсис петшѳр пиысь чачасѳ да сетис Валялы:

— На, бѳсьт!

Валя нимкодъысла эз тѳд, мый вѳчны.

— Оз зѳлит? — юалис сийѳ.

— Зөлитөг олас! Ещö кутшöмө на зөлитö! — шуис Юрик да пет-көдлiс алöйгöрд чутъясөн серöссöм сойсö.

— А мыйла нö он бöрд? — бара юалис Валя.

— Бöрдны кута?! Ме öд ыджыд нин! — вочавидзис Юрик да му-нис вöчны ньöввужсö.

АРТАСЬÖМ

Миша локтiс исласянинысь да кайис паччөрö. Сэни сийö шоналис да вугыртiс. Но кодкö друг кыскыштiс пельпомöдыс. Миша восьтiс синъяс-сö. Тетрадя да ручкаа пукалис сы дiнын Зина чойыс.

— Миша, — шуис сийö. — Отсышт этайö задачасö вöчны.

— Лыдды условиесö,— дышпырысь вочавидзис Миша.

Зина лыддис. Задачаыс вöли со кутшöм: «Парник вылын куйлисны дас рама. Первой босьтiсны витöс, сэсся кыкöс. Кымын рама коли пар-ник вылас?»

— Тайöс он куж? — серам сорөн юалис Миша.

— Ог,— муртса кывмөн шуыштiс Зина.

— Тайö жö зэв кокни, — Миша лыбöдчис гырдыа вылас. — Вот, шуам, мамыд вайис пызан вёлö дас шаньга. Тэ сёйин витöс, а ме кыкöс. Уна-ö коли?

— Ме вит шаньгатö эг на сёйлы! Эн пöръясы! — дözмис Зина.

— Бытьöкö сёйин, — шуис Миша.

— Бытьöкö, — нерыштiс Зина. — Ачыд век ставсö сёян-а, меным он и сетлы. Сюсь öд!

— Кор сёйли?! — сосис Миша.

— Тöрыт на,— эз сетчы Зина.— Став рыськасö аслыд босьтiн. Мамыд юрсидыд таысь ещö някыртiс. Паччөрö сэсся кайин.

— Кынма вöли да, дерт, — дорйысис Миша.

— Кынман тай! Никöстiн-а, — эз лэдзчысь Зина.

— А тадзтö кө, мун татысь! — скöрмис Миша. — Ачыд вöч.

— Вöча на öд, ог али мый?! — шуис Зина да лэччис паччöрысь.

Недыр мысти Миша кыпöдчылис да видзöдлiс паччöрьянь. Зина шуалис мыйкö вомгорулас да зiля артасис чуньяснас.



НЯВДА

Град вылын быдмис морков. Коръясыс вöліны весът судтаоьс на, сöмын на заводигісны пушкыртчыны. А Толиклы эз нин терпитсыс видлыны морковсö. Öд сійö мый дыра нин эз сёйлы. Но мамыс шуö, мый арнас пö сöмын поэны кутас. А арöдыд ещö мый ылнаын на! Толик сулаліс град дорын да жугыльмис и жугыльмис.

«А гашкö, гырысьöсь нин морковъясыс да?»

Толик видзöдліс юкмöслань. Мамыс пожъяліс сәні тазйын сылысь дөрöм-гачсö. Сійö öні мышкөн сулалö да, дерт, оз казьяв.

Толик лажыньтчис град пельöслань, шамыртіс ки тырыс морков кор да нетшыштігмозыс топöдіс киняулас. Сэссия сувтіс да котöртіс пес чипас сайö, видзöдліс морков вылас. Қага чаль чуньысь на ичöтджык куим гөрдоват вуж чурвидзисны заяс помас. Толик курччыштіс öтиöс. Вомас лои курыд-курыд, ковмис бөр сёлыштны.

А мамыс сэки буретш локтіс юкмөс дорысь. Сійö кыліс сьöлыштöмсö да видзöдліс пес чипас сайö, аддзис сэтысь Толикöс.

— Мый нин сэн вöчан? — юалис мамыс.

— Сёя, — шусис Толиклөн.

— Сёян? Мый?

— Нявда! — збоякодь вочавидзис Толик да весиг мыччыліс мышку сайсьыс морков коръяссö. Мамыс, дерт, казяліс, мый Толик пöръсьö. Та вöсна веськодьпырысь шуис:

— Сёй, сёй, мед öдйöджык кулан!

— Мыйла? — повзис Толик.

— Нявдасö оз позь сёйны.

— Тайö öд абу нявда... — нора гөлөсөн шыасис Толик.

— А мый нö? — юалис мамыс.

Воча кыв пыдди Толик гораа бöрдзис.

ПЕТЯ

Челядь мунісны вöрö вотчины. Петя вöлі медводзын да аддзис ыджыд чöдлач куст.

— Чур! Тайö менам чукöрыс! — горöдіс сійö да паськөдіс кияссö, мед некод оз матыстчы.

— А ми? — юалисны челядь.

— Асьныд корсьöй! — вочавидзис Петя, сэсся пуктіс муас набөрүш-касö да кутіс сувйыны-вотны чöдлачсö.

Челядь чöv ланьтісны да видзöдісны öта-мöд вылас. Найö виччысисны, оз-ö Петя веж асьыс кывсö, но Петя эз и думайт чукöстны найöс.

Сэк челядь мунісны водзö да ичöтик шор дорысь аддзисны öмидз кустъяс. Кисьмөм кельыд гөрд öмидзыс сöмын сярвидзис. Челядь öдйö кытшалісны кустъяссö, сёйыштісны мыйтакö чöскыд вотöссö, а ссеся заводитісны öктыны дозъяссö. Недыр мысти сэтчö локтіс и Петя. Уна öмидз аддзöм бöрын сылөн паськавлісны синъясыс, но яндзимысла эз лысьт матыстчины. Петя сулаліс юрсö лэдзöмөн, нылаліс дульсö. Жалыс петіс челядьлөн.

— Лок, вотчы тшöтш, миянлы тырмас на! — корисны найö Петяöс. Та бöрын сэсся Петя некор нин тадзи эз вöчлы.

МАШИНА

Славик сулаліс пидзёсёдзис лятиын да тэрыба лэпталіс кокъяссё. Вомнас сійё шуаліс: «Жур-р! Жу-у-р-р!». Гачыс, дөрөмыс, чужөмыс — гөгөр вөлі няйт.

Тадзи и суис Славикёс мамыс.

— Мый тэ сэн вөчан, ноко вай висьтав? — скöрысь горөдіс сійё, но эз пыр гуранö, полис няйтöсьтны көмсö.

Славик дугдіс вөрөдны кокъяснас.

— Мый тэ сэн вөчан? — бара юаліс мамыс.

— Буксуйта, — вочавидзис Славик.

— Буксуйтан? — шай-паймуні мамыс. — Тэ өд абу машина!

— Машина, — эскана шуис Славик. — Ме, мамö, машина, кутшö-мөн тай Семö дядьбөйд ветлö.

Мамыс сөмын швачкис бокъясас кияснас, нинөм сэсса эз куж шуны.

АЧЫМ ТӨДА

Зонпосни лэччисны ва дорö вуграсыны. Ю дінö вотөдз найö кежалісны раскө да перйисны сэтысь шатинъяс. А Шуриклы дыш лои пыравнысö да босьтіс туй бокусь сісьмыны нин заводитөм бедь.

— Ой, кутшөм шатиныс! — кутісны серавны сы вылын ёртъясыс.

— Ачым төда, кутшөм! — вочавидзис Шурик да заводитіс көртавны бедь помас вугыр көвсö.

— А көвйис?! Көвйис мый кызта! — горөдісны челядь. — Тэнад көвйись черныс километр сайö пышъяс!

— Ачым төда! — вочавидзис Шурик.

— А вугырыс! Вугырсö видзөдлөй! Тайөн весиг китöс позяс лэптыны.

— Ачым төда! — вочавидзис Шурик.

— А нидзувъясыд кулөмаось да, өти ловъя нидзув абу! — шуис кодкө челядь пинысь. — Кос турун сі кодьось! Кутшөм чери нө татшөм сам дорад локтас?

— Ачым төда! — вочавидзис Шурик.

Недыр мысти заводитісны вуграсыны. Челядь луксисны колясъяс весьтö да первой чөвтөмас жö морт-мөдлысь сөйис. А Шурик торйөдчис набысь. Сійё вуджис ю мөдарас.

— Сэтысь нё, ляпкыдінсьыс, кутшөм чери тэнсьыд босьтас? — шуисны сылы ёртъясыс.

— Ачым тóда! — ропкыштіс Шурик.

Лунтыр вуграсисны челядь, кыйисны ёкышъясöс, кельчиясöс, ляпапиянöс, а кодсюрöлы весиг и сынпиян шедісны. А Шуриклысь, кызди муніс мóдар берегас, сідзи некод эз и дэбнитлы. Вот сылы и «ачым тóда»!

РӨМПӨШТАН

Пызан вылын сулаліс рөмпөштан. Вася йөткыштіс сійöс гыррдзанас. Рөмпөштан уси джоджö да жугалі.

— Ой! — горөдіс Лиза, Васялөн чойыс.

— Висьталан кө! — ырыштчыліс сы вылө Вася. — Он öд висьтав?

— Ог, — көсйысис Лиза.

Вася öдйö чукөртіс рөмпөштан торъяссö да шыбитіс ывлаö.

Недыр мысти воис мамыс. Вася эз пов ёнасö, надейтчис Лиза вылө. А чойыс кутіс ассьыс кывсö. Сöмын эз дзик сідзи, кызди чайтіс Вася. Пукисны ужнайтны, да Лиза зэв збыльысь шуис:

— Мамö, рөмпөштантö Васяыд эз жугöд!

Мамыс клён пунктіс паньсö, видзөдліс Вася вылө. Васялөн чуқыртчөм чужöмыс висьталіс сылы ставсö.

СКВОРЕЧ ПОЗ

Кыз пу вылын чöла пукалöны кык сквореч. Найö корсьöны поз. Олег сулалö кильчö дорас да жалитөмпырысь видзөдö на вылө. Тöрыт эськö сійö заводитліс вöчны позсö, но нинөм эз артмы: то пөлөсөн пөвйыс пилитяся, то потö кыткө тувъялігас, то көрт тувйыс мегыр моз кусынътчас. Медбöрын и кисö дойдіс. Эновтчыны лои. Мый вöчан кужтöгыд?

Сиктын уна пуын позйыд эм. Но öд и скворечьясыс эз этшаөн воны. Тайö кыкыс со позтөмөсь кольöмаөсь.

Пукалісны на мыйкө дыра скворечьяс дай лэбисны. Олег лолыштіс зэв ыджыда да пырис гортас. И сэк сылы тöд вылас уси важ туйс. Пы-

дөсыс туйсылөн пиштыс, и мамыс дугдїс сїён вөдитчыны, шыбитис му-
дөд вылас вевтнас и быдсөн. Сысыс бурджыктор поз вылад өдвакө сю-
рас!

Олег зэв өдйө кайліс мудөд вылас да лэччөдіс туйссө. Сэсея бось-
тіс тасьті-пань видзанысь батыслысь ёсь пуртсө да пишкөдіс сїён ту-
ис бокө ичөтик гөгрөс розь. Сквореч поз лон дась, сөмын өшөд! Олег
лэччыліс посводз улас, корсис сэтысь сутуга тор. Өти помсө сылысь
көрталіс туйс вевт вугъяс, а мөдсө босьтіс киас да котөртис кызланы.
Кавшасис-кайис пөшти дзик йылө-
дзыс.

— Мый нө вөчан?— горөдіс
кодкө мусянь.

Олег видзөдліс муө. Кыз пу до-
рын сулаліс Зосим.

— Сквореч поз өшөда!

— Туйсысь? — гораа серөктіс
Зосим.


— Мый нө көть? — вочавидзис
Олег.


— Чайтан, скворечьясыд йө-
йөсь? Аддзылан, уна-ө позъялас-
ны! — чиктыліс Зосим.

Олег эз шыась. Сїйө зельда
гартліс сутугасө өти кыз вож гөгөр,
а кольөм помсө бара көрталіс туйс
вевт вугъяс.

Рөмдытөдзыс виччысис Олег
скворечьясөс, но найө эз и петкөд-
чывны. Сэтшөм забеднө лон сылы,
көть бөрддзас. Сідзи и водіс узьны.

Но асывнас, унзильпырыс на,
Олег кыліс төдса шыяс. Өдйө чеч-
чис крөвать вывсьыс да локтіс өшинь
дорө. Туйс дорын пукаліс сквореч да
сылыс: «Шить-пить-тюр-р!» А поз
розьянь гонькьяліс мөд сквореч.





КОЛЯ ШОГМО КОСМОНАВТО

Отлаасьомабсь куим зонка. Быдтор йылысь нин сёрнитöмабсь да бни чöв олöны. Коля да Феликс öтыджабсь кымын, а Петя неуна ыджыджык. Феликс öчкиа.

ПЕТЯ (очсыштö). Кузнеча дорад тай чукля кöртыс эм...

ФЕЛИКС. Но?

ПЕТЯ. Ме сийöс юр весьтöдз нин верма лэптывны.

КОЛЯ. Век öтирнас ошйысьö. Ми öд коркö вермыны жö кутам Да öд, Феликс?

ФЕЛИКС. Ы-ы.

ПЕТЯ. А ме космонавтöн лоа!

КОЛЯ. Ми öд лоам жö.

ПЕТЯ. Тэнö эськө, Кольö, и оз босътны.

КОЛЯ. Но?!

ПЕТЯ. Быд понйысь на полан да.

КОЛЯ. Кутшöмысь?

ПЕТЯ. А Максö Лыскоысь и полан.

КОЛЯ. А сыысь, Петь, тэ и ачыд полан.

ПЕТЯ. Ме? Тöрыт на кильчö помöдыс котöрти.

КОЛЯ. Ме öд, кор абу сйö, котöрта жö.

ПЕТЯ. А тэнö бөр бергöдасны, кöть и вöйысьлан космонавтад. Он лö шогмы — шуасны и ставыс.

КОЛЯ. Коді шуас?

ПЕТЯ. Комиссияыс.

КОЛЯ. Аслыд вот шуасны.

ПЕТЯ. Меным дай! Ме кöть öнi жö... Вай тэ, Феликс, комиссия быт-тö лоан. Мый нö, öчкиа и быдөн?! (Колялы.) Аддзылан, уна-ö шогман!

КОЛЯ. Ог пов, ог.

ПЕТЯ. Повзян на. (Феликслы.) Тшöкты мыйкö вöчны. Али кывзы первой.

ФЕЛИКС. Мый кывза?

ПЕТЯ. Миянöс. Кылан он сьölöм тiпкöмнымöс.

ФЕЛИКС. Но. Тэсянь заводита?

ПЕТЯ. Дерт, мясянь. (Лэптö дөрöмсö.)

ФЕЛИКС (топöдчö пельнас Петя морöс бердö). Кыла. Тiпкö сöмын!

ПЕТЯ (вашмунлö). А öнi Кольöыслысь кывзышт.

КОЛЯ (полөмпырысь лэптö дөрöмсö). Менам öд кылас жö.

ФЕЛИКС (кывзö). Тiпкö жö. Сöмын öдйöджык быттö.

ПЕТЯ. Но вот, повзöмыд нин со!

КОЛЯ (ышловзö шoга). А öнi, Феликс?

ФЕЛИКС (кывзö). Оз нин сэтшöм öдйö.

ПЕТЯ. Первойсö тай öдйö-а.

КОЛЯ. Эг сэки лoлав да, дерт.

ПЕТЯ. Но и мед. Он жö нин шогмы-а.

КОЛЯ. Ог, Феликс?

ФЕЛИКС. Час ещö кывзышта. (Кывзö.) Шогман кö-а.

ПЕТЯ (Феликслы). «Кö-а». Тэ стöчa висьтав. Он пö шогмы — и ставыс.

ФЕЛИКС. Шогмö.

ПЕТЯ (дöзмö). А тадзтö кö и... водзö либö! Тшöкты мыйкö!

ФЕЛИКС. Тшöкта на öд. Ноко, юр вежөрныд бергöдчö оз? Кино вылад тай, аддзылінныд, кызди космонавтъястö...

ПЕТЯ. Көн нö ми тани кутам бергавны?

ФЕЛИКС (мövпыштö). Позьö öд и места выланыд.

ПЕТЯ. Кымынысь?

ФЕЛИКС. Витысь. Витсыд этша быдөн вермас. Дасысь!

ПЕТЯ (кöсйылö, но дугдö). Мед сийö первой. (Довкнитö юрнас Колялань.) Ме видзöдла.

КОЛЯ. Чайтан, ог вермы? Со! (Бергöдчö дасысь да джём сувтö.)

ФЕЛИКС (Петялы). Тэ сэсся. Оз быттьö кыв.

ПЕТЯ. Эн тэрмөдлы. Көть сёысь бергöдча. (Бергöдчö дасысь кымын жö, но сувтö да шатовмунö.)

КОЛЯ. А-а, ачылд и шатовмунін?!

ПЕТЯ. Ме?

КОЛЯ. Мый нö! Аддзылім öд. Да öд, Феликс!

ПЕТЯ (ырыштчö Феликс вылö). Шуан кö эськö прöстасьыд!

ФЕЛИКС. Эн ыршась, эн. Ыджыдджык, да сэсся и...

ПЕТЯ. Аслам кокö конъяси да...

ФЕЛИКС. Висьтав кодлыкö.

ПЕТЯ. А либö эг и шатовмун. Вот!

ФЕЛИКС. Шатовмунін.

КОЛЯ. Йöйясөн мянöс чайтö.

ПЕТЯ (Колялы). А тэ эськö вешйы. Абу тэ комиссия.

КОЛЯ. Эн ылöдчы дай.

ПЕТЯ. Ёна колö! (Феликслы.) Водзö вай, водзö. (Колялы.) Видзöдлам на, кодным шогмам.

ФЕЛИКС. Мый и кöсйылі сэсся сетны? А-а... Космонавтъясыдлы колö зэв сюсь синмаён лоны, мед зэв öдйö быдтор казавны. Ноко, видзöдлöй эстчань. Бергöдчöй. Мый, Петя, аддзылін?

ПЕТЯ. Мый аддзылі? (Гыжйыштö пель сайсö.) Но, жытник.

ФЕЛИКС. Сэсся?

ПЕТЯ. Сэсся... потшöс. (Кöсйö кыйкнитлыны.)

ФЕЛИКС. Э-э!

ПЕТЯ. Из ли мый ли.

КОЛЯ. Из тай, порсь-а.

ФЕЛИКС (Колялы). Правильнө.

КОЛЯ. Чипан на вөлі ветлөдлө дай. Потшөс сайөдыс.

ПЕТЯ. Пыр и содтыштіс! Ме өд верма жө тадзтө мыйкө шуны. Мися, катша вөлі лэбө.

КОЛЯ. А чипаныс збыль вөлі ветлөдлө.

ФЕЛИКС. Збыль. Петөма нин со йөрсьыс.

ПЕТЯ. Көні? (Бергөдчө да видзөдлө.) Быд чипанөс кө сэсся казьявны и.

КОЛЯ. Ыджыдтө өд быдөн аддзас. (Бергөдчө жө.)

ПЕТЯ. А эн кө тэ сюйсьы, ме, гашкө, мыйкө висьталі на. Вст! (Феликслы.) Водзө!

ФЕЛИКС (мөвпыштчылө). Мыйла төлысь чарла кодь овлө?

КОЛЯ. Тайөс нө код оз төд?!

ФЕЛИКС. Энлы, мед Петя висьталас.

ПЕТЯ. Тайөс ми эгө на велөдлөй.

КОЛЯ. Эгө тай. Абу и гөгөрволөмыд-а.

ПЕТЯ. Ачюд эськө тэ он жө төд.

КОЛЯ. Ог төд! Муыс шондіа-төлыся жостас веськавлө, сійөн и чарла кодь овлө төлысьыс, оз дзэньнас югзы да.

ФЕЛИКС. Правильнө.

ПЕТЯ (Феликслы). Тэ кодь комиссияыд!

ФЕЛИКС. Эн тай космонавтад шогмы-а.

ПЕТЯ. Эськө ляснита кө муланьыс!

КОЛЯ. Видлы! (Сувтө Феликс дор.)

ПЕТЯ. А ме ог и ворс тіянкөд. (Мунө.)

Коля да Феликс шпыньмунөны, сэсся серөктөны.

Занавес.



ВӖРСА ДЕД ДА МИША

Миша куйліс диван ылын да вуграліс. Сійӧ сӧмын на пырис ыв-
лаысь да пӧттӧдзыс сӕйс.

— Уроктӧ нӧ кор велӧдан? — шыасис мамыс.

— Велӧда на, — нурбыльтіс Миша.

— Велӧдан! — эскытӧма шуис мамыс. — Век лоӧ кызмырдӧн тшӧк-
тыны. Ачыд некор он пуксыы. Ещӧ Гагаринӧн кӧсьян лоны. Гагариныд
мый висьталіс радио пырыд? Зэв пӧ ёна колӧ велӧдчыны, быдторсӧ пӧ
колӧ тӧдны, мед ракетаад лӧбзыывны. Некытчӧ тӧ он во, ме видзӧда да.
Йӧйӧн и колян!

— Мед, коля кө!

— Кысь нө мед? — эз лэдзчысь мамыс. — Асьтө жö öд серавны ку-
тасны. Миянöс батыдкöд и. Ноко, вай чеччы. Тырмас сэн нюжвидзны.
Нинöмөн на эн мудз. Кор нин школасыд воин! Кодлы шуöны? Чеччан
он! Али лэптöм виччысян? Аттö дивö!

Миша дышпырысь пуксис.

— Песным пыртöм. Петав песла, — тшöктис мамыс. — Сэсся пук-
ссы дай велöд уроктö.

— Ачыд петав! — эз кывзысь Миша.

— Ачым! Ставсö ме? А тэ нö он вермы?

— Дыш меным! — дузмуні Миша.

— А сёйнытö абу дыш?

— Мый көть и сёя? Ог öд сэсся тшыглы ов, — дорйисис Миша.

— Он и ов! — вомалис мамыс. Сійö казялис нин Мишалысь горша-
сьöмсö. — Став выйсука роксö со сёйöмьд. Мый ме тэныд шулі? Ко-
лышт, мися, чойыдлы. Шулі эг, а? Асьтө сөмын тöдан. Дыш да горш!

— Вуні менам, — вочавидзис Миша, быттö збыльысь вунöдис.

— А чужöмыс! — друг шай-паймуні мамыс. — Чужöмыс! А кыис!
Эг видзöдлы, а мыссытöг и сёйöма. Ме тэнö, дуркöс, кымынысь нин
өлöдлі! Ноко, мыссян он? Сёсысь тшöктöм виччысян? Скөрма кө öд, ог
на дыр видзöд!

Мамыс локтис Миша дінö, чабыртис сійöс пельпомöдыс да вайöдис
мыссян доз дорö. Буретш сэки пырис орчча керкаса нывбаба.

— Дöзмы көть эн, сваття, сэсся ог вермы терпитны, — шуис сійö
Миша мамлы.

— Мый нö? Мый лои?

— Бара нин Мишаыд миянлысь Шурикöс нöйтöма. Кодкөлун вöлі
кильчö вывсянь тойыштöма-а. Вермö ичöттö!

— Нöйтін Шуриксö? — юалис Мишалысь мамыс. Миша чöv оліс.
Мый сійö висьталас, кор збыльысь нöйтис. — Кильчö вывсянысь тойыш-
тін и? А тадзтö кө, мун кытчö гажыд! Он тэ миянлы татшöмьд ков! —
мамыс някыртис пельöдыс, сэсся вöсьтис öдзöссö да йöткыштіс посводзö.

Миша петис ывлаö. Дерт, мамыс эз век кежлö вöтлы. Сійö радейтис
писö. Но öні быть коліс кызкö чырыштны.

Öтнадлы улича шöрад гажтöм сулавнытö. Нинöм вöчигмоз Миша
довпис вөрлань. Мövпыштіс олыштны вöрас, сёйыштны ёль дорысь
öмидз, а сэсся пемдандорыс локны гортас. Сэк кежлö мамыс бурасяс.

Миша пырис вөрö, кежис векныыдик ордымöд ёльлань. Регыдөн и

воис сэтчө. Но чөсмасынысө сэн нинөмөн нин вөлі. Став өмидзсө вотө-
маось, некөн өти тусь эз тыдав.

Нөшта шог лои Мишалы.

Неылын сулаліс пөрысь коз, ставнас ройөссьөма. Отар бокуь сылөн
коркө керыштлөмысь сирөссьөма. Миша матыстчис коз дорө, гыж йыв-
нас чуктөдіс сир тор, суйис вомас. Сирыс уль на вөлі, курыд, пиньө сиб-
дан. Бөр ковмис сьөлыштны вомсьыс.

Дзикөдз Миша уси сьөлөмнас. Пуксис коз бокө, доровтис юрсө, лэ-
дзис льөбсө.

— Миша! Миша! — шыгасис друг кодкө коз пу йывсянь.

Миша сэтшөма повзис! Вөрзыны оз вермы, кийс ни кокуь быттө
абу аслас.

— Миша! Миша! Қывтөм али мый?— бара кыліс, сөмын өні дзик
дінас.

Мишаөс йирмөг босьтис, воча пинь зятмуні. Жмитчис коз пу бердө,
сэсса полігтыр калькөдыштіс син лапгьяссө, видзөдліс. Сы водзын сула-
ліс пөрысь-пөрысь дед. Кузь тошкыс вожалөма.

Миша зэв өдйө бөр кунис сингьяссө да бергөдчис коз пулань.

— Эн пов, Миша. Абу өд ме зверь, — небыда шуис дед.

— А-а, к-коді н-нө тэ?— повзьөмысла мөмгьяліг, юаліс Миша.

— Ме Вөрса дед. Некодлы лөктө ог вөч. Бергөдчы мелань.

— А тэ нө менө мыйөн төдан? — юаліс Миша да ньбжйөник бер-
гөдчис дедлань.

— Ме ставсө төда. Весиг төда, мый тэнө талун гортсьыд вөтлісны.
Ачуд, дерт, тэ мыжа. Но өні мый нин вөчан?! А, шуны кө веськыда,
сьөкыд тэныд лоө овнытө. Ок, сьөкыд!

— Мыйла?

— Мөдарө тэ йөз сертигьс лөсьөдчан овны,— стөчмөдіс асьыс мөвп-
сө Вөрса дед. — Öні нин со кутшөм, а быдман да мый тэысь лөб? Он
кө көсий вежсьыны, лок мекөд мунам. Бурджык лөб.

— Кытчө?

— Кытчөкө. Öні и лэбөда. Кутчысь менам тошкө. Ой, энлы на!
Мыссьы первой, а то льякөсьтан менсьым тошкөс.

Миша лэччыліс ёль дорө да мыссис.

— Со! — петкөдліс сөстөм кияссө.

— Кутчысь! — шуис Вөрса дед. — Чорыда кутчысь!

Миша кутчысис кыкнан кинас дедлы тош помгьясас и качис сы бөр-
ся енэжө.

Небыда лайкъяліг, лэбёны дед да Миша. На улын помтём-дортём парма. Посниось, истөг тув кузяось сэні пуясыс, көв кодь вёснийсь ёль-ясыс. Сэтшөма ставыс дзольдөма, сэтшөм выліті лэбё Вёрса дед.

Полөмыс Мишалөн вочасөн быри, сьёлөмыс заводитіс тіпкыны ве-кыся өднас.

— Кытчө тэ менё, дедё, лэбөдан? — юалис Миша. — Öні өд позьё нин висьтавыны.

— Ме тэнё көсья вайөдлыны сэтшөм муясё, кодъясөс тэ некутшөм карта вылысь он аддзы, — вочавидзис дед. — Медводз ми сувтлам Йёй-ладорё.

— Ой, кутшөм мисьтөм нимыс! — шуис Миша. — А кодъяс нё сэні олөны?

— Ним сертыс нин позьё төгөрвоны. Сэні олөны йёйяс.

— Йёйяс? — эз эскы Миша.

— Да.

— Найё нё мортъяс жё?

— Да. Сөмын йёйөсь. Ыджыдось нин, а йёйөсь.

Лэбыштисны на мыйтакө, и Вёрса дед кутіс лэччыны. Пуксисны неыджыд кушинё. Турунсё сэтгыс ставсё таялөмаөсь, но некөн некод эз тыдав.

— Көнөсь нё йёйясыс? — юалис Миша.

— Вёрас тай со вензьёны, — шуис дед. — Олышт на дінын. Ме ре-гыд бөр локта. Водзё лэбөда тэнё.

Дед кытчөкө воши. Миша пырис вөрө, кытөн кылісны йёйяс. Найё эз и видзөдлыны Миша вылө, кор сійө матыстчис. Тыдалё, чайтісны ас кодныс жё йёйөн.

Вензисны йёйяс зэв сьёлөмяньыс, шенасисны кияснаныс. Мукөдыс-лөн гөлөсыс чирөма нин вензьёмысла, вомсьыс быг петө.

— Та мында колө пуны! — горзісны өтияс.

— Оз, эта мында колө пуны! — горзісны мөдъяс.

— Оз, та мында!

— Оз, эта мында!

Мишалы дышөдіс кывзыны тайё помтём венсё да юалис:

— Мый нё вензянныд?

— Чери кыйны ми талун ветлім, со мыйта чери шеді миянлы,— висьталіс өти йёй.— Джынсё ми тарыт көсьям пуны, а мөд джынсё ас-ки. Джынйыс өд та мында лөб? Да өд?

— Оз, эта мында! — вомалісны сійӧс вензъысь йӧйяс. — Эта мында ӧд?

— Дас чери тѣя ставыс. Сідзкӧ, вит лоӧ джынйыс, — вочавидзис Миша.

— Мыйӧн тӧдан? — юалісны йӧйяс да кытшалісны Мишаӧс.

— Юклӧй дассӧ кык вылас, уна-ӧ лоӧ.

Мишалы лӧсьыд вӧлі тадзтӧ шуны. Сійӧ велӧдіс нин татшӧм артасьӧмсӧ школаас да тӧдіс.

— Ми ог кужӧй дастӧ кык вылад юкны, — висьталісны йӧйяс.

— Эн ӧмӧй велӧдчылӧй?

— Кутам велӧдчыны! Ёна тай колӧ! — вочавидзисны йӧйяс.

— Тадзтӧ ӧд йӧйӧн и колянныд, — шуис Миша.

— Мед, колям кӧ! — вочавидзисны йӧйяс.

Мишалы зэв лӧсьыдтӧм лои таысь. Бытьтӧ кывзӧмаӧсь сылысь мамыскӧд ӧнтая сёрнисӧ да ӧні аслыс сідз жӧ шуалӧны.

— Ъджыдӧсь нин, а дассӧ онӧ вермӧй кык пельӧ юкны. Абу ӧмӧй яндзим? — кӧсийс Миша янӧдны йӧйясӧс.

— А мый миянлы, йӧйясыдлы! — вочавидзисны йӧйяс да заводитісны пестыны бипур, мед пуны черисӧ.

Эз кӧ эськӧ Миша отсав, гашкӧ, ӧнӧдз на вензисны, сідзи эз и вермыны тӧдмавны, уна-ӧ джынйыс лоӧ дасыслӧн.

Миша шеныштіс кинас, вешйис бокӧ. Недыр мысти, кызди и кӧсйысьліс, воис дед.

— Но, аддзылін йӧйяссӧ? — юаліс сійӧ.

— Аддзылі, — вочавидзис Миша.

— Сідзкӧ, лэбам водзӧ. Кутчысь!

Качӧдчисны Вӧрса дед да Миша, лэбисны-лэбисны и бӧр пуксисны.

— Кытчӧ нӧ ми, дедӧ, воим? — юаліс Миша.

Ми воим Дышладорӧ.

— Дышгъяс тані олӧны?

— Да. Со тай пуяс улас куйлӧны. Олышт на дінын. Ме регыд бӧрлокта. Водзӧ лэбӧда сэсса.

Дед кытчӧкӧ воши. Миша матыстчис дышгъяс дінӧ. Найӧ куйлісны куньса синмӧн, нускисны нырнаныс. Но эз узыны. То ӧти дыш, то мӧд вӧрзьӧдліс кисӧ либӧ коксӧ, бергӧдчыліс мӧдар бок вылас.

— Доймӧ нин менам гӧгӧр, узыны ог вермы, — шыасис медматын куйлысь дыш.



— Лыс чегъяв да вольсав, — вочавидзис сылы медылын куйлысь дыш.

— Дыш меным, — шуис норасысь дыш.

Мыйкө дыра кезлө дышъяс ланьтлісны. Сэсся бара өти дыш шыасис:

— Кынёмой сумалө.

— Ветлы да тшак вот, — вочавидзис сылы мөд дыш. — Пуан да миянөс тшөтш вердыштан. Миян өд сумалө жө кынёмным.

— Меным дыш, — шуис тшыгъялысь дыш.

Коли здук-мөд, и бара өти дыш лэдзис гөлөссө:

— Кынми дзикөдз куш му вылад, изоймиті. Ветлөй кодкө песла. Вой локтө. Көнкө узыны ковмас.

— Ачыл ветлы, — вочавидзисны сылы дышъяс.

— Дыш меным, — шуис кынмысь дыш.

Чѳв усьліны та бѳрын дышъяс, но эз дыр кежлѳ. Ѳти дыш бара шыасис:

— Баялбѳжѳй сѳтшѳма лудѳ! Гыжйыштѳй кодкѳ.

— Ачуд гыжйышт! — скѳрысь горѳдісны дышъяс.

— Меным дыш, — шуис лудысь дыш.

Кѳть Миша и эз жѳ вѳв зіль, но водзѳ кывзыны татшѳм дышъясѳс эз вермы. Ѳвтыштїс кинас да вешйис бокѳ.

Недыр мысти воис Вѳрса дед.

— Но, аддзылїн дышъясѳсѳ? — юалис сїйѳ.

— Аддзылі, — вочавидзис Миша.

— Сїдзкѳ, лѳбам водзѳ. Кутчысь! — шуис дед.

Качѳдчисны дед да Миша, лѳбисны-лѳбисны и бѳр пуксисны.

— Кытчѳ чѳ ми, дедѳ, воим? — юалис Миша.

— Ми воим Горшладорѳ, — висъталїс Вѳрса дед.

— Горшъяс танї олѳны?

— Да. Со тай катша-рака моз юксьѳны мыйкѳ вылын. Олышт на дінын. Ме регыд бѳр локта. Водзѳ лѳбѳда тѳнѳ.

Дед кытчѳкѳ воши. Миша матыстчис горшъяс дїнѳ. Найѳ буретш сѳйисны яя шыд. Сувйисны сѳмын, кодї мый удитас. Тойласисны, мед матѳджык веськавны пѳрт дорас. Горзїсны вѳр тырнас.

Бокинджык кык горш мырддъысисны лы вылын.

— Тѳ вильѳдїн нин, вай меным тайѳс! — нетшкис асланъыс лысѳ ѳти горшыс.

— Тѳ вильѳдїн жѳ. Ѳг сет! — нетшкис асланъыс лысѳ мѳд горшыс.

Вѳрысь котѳрѳн петїсны нѳшта горшъяс. Найѳ абу вевъялѳмаѳсь воны сѳйигкежлас.

— Сѳйѳмаѳсь нин! Ставсѳ нин сѳйѳмаѳсь! Миянлы абу и кольѳмаѳсь, — скѳралїсны сѳрмѳм горшъяс.

— Тѳрыт тї миянлы энѳ жѳ кольѳй! — вочавидзисны медбѳръясѳ панялысь горшъяс.

Сѳрмѳм горшъяс кватитїсны пѳртсѳ, кѳнї пыдѳсас вѳлыштїс на яя шыдыс, да пышйѳдісны вѳрѳ. Мукѳдыс вѳтчисны на бѳрся, весиг мыльѳссѳ эз кѳйыны сетны. Лыѳн мырддъысьысь кык горш сѳмын колїны.

— Ме вильѳда! — нетшкис асланъыс ѳтиыс.

— Он! Ме вильѳда! — нетшкис асланъыс мѳдыс.

Миша ѳвтыштїс кинас да вешйис бокѳ. Недыр мысти воис Вѳрса дед.

— Но, аддзылін, горшъяссө? — юалис сійö.

— Аддзылі, — вочавидзис Миша.

— Сідзкö, лэбам водзö. Кутчысь!

Качöдчисны дед да Миша, лэбисны-лэбисны и бөр пуксисны.

— Кытчö нö ми, дедö, воим? — юалис Миша.

Ми воим Дуркладорö, — висьталіс дед.

— Дуркъяс тані олöны?

— Да. Со тай вöрасöсь. Олышт на дінын. Ме регыд бөр локта. Водзö лэбöда тэнö, — шуис дед и бара кытчöкö воши.

Миша матыстчис дуркъяс дінö. Нэмнас нин, буракö, абу шырсы-лöмаöсь, сэтшöм кузь юрсиаöсь вöліны найö. Юрсинис пратьмöма, кызд омöлик вöвъяслөн бурысьыс, быдсяма сибдан туруныс сэтчö öшійöма. Чужöм выланис кöть эн видзöдлы, няйтыс и саыс — мый сöмын сэтöн абу! Весиг вом дорнысö абу чышкыштöмаöсь, сёян чиръясыс сибдöмаöсь вом пельöсьясас. А киясныс пач пöданысь на сьöдöсь, варчöмаöсь мыськыв-тöмысла.

Дуркъяс буретш лөсьöдчисны пусыны. Пöрт дорыс куим кыза нин лöма: первой пусьöмсяньыс абу на пожъявлöмаöсь. Ваыс пöртъяс туй выв гуранын кодь гудыр. Тасьті-паньыс сьöд, кок уланыс туплясьö.

Мишаöс кутіс шогöдны: дількмунлас да бара. Вот-вот восöдас. Веш-йис öдйöджык бокö.

Недыр мысти и Вöрса дед воис.

— Но, аддзылін дуркъяссö? — юалис сійö.

— Аддзылі, — вочавидзис Миша.

— Сідзкö, лэбам водзö. Кутчысь!

Качöдчисны дед да Миша, лэбисны-лэбисны и бөр пуксисны.

— Кытчö нö ми, дедö, воим? — юалис Миша.

— Ми воим Лёкладорö, — висьталіс дед.

— Лёкъяс тані олöны?

— Да. Со эстөнöсь кöнкö. Олышт на дінын.

Дед бара кытчöкö воши. Миша мöдöдчис корсыны лёкъясöс. Муртса на удитіс сійö пырны вөрö, кызд сійöс конъялісны, да тутіс зэв ылö. Миша чеччис, кöсийс видзöдлыны, коді конъяліс, но эз удит: веськыда синмас шыбитісны кольён. Миша сайöдіс чужöмсö, копырөн бөр кутіс петны вöрысь. Мыш сайсяньыс сійöс лёкысь тойыштісны. Миша зурасис пуö, зэв ыджыд йöг кайис юр чут дорас. Сійö чайтіс, мый мыніс нин, но вöрсьыс петігөн бара на шыбитісны баялбöжас кыз увійөн. Миша бёрд-дзис, а вөр пасьтала вак-вакөн серöктісны. Мишалы сэтшöм забеднö

лои, синваис доршасыны кутіс. Но нинөм он вөч: лөкъясыдлысь буртө эн виччысь.

Бөрдыштіс Миша, чышкис синвасө да видзөдліс вөрлань. Пуяс сай-сянь век на жеръялісны лөкъяс.

Миша вешйис ылөджык, мед мөдысь оз нөйтны. Лөкъяс энөвтисны сійөс да кутісны косясыны ас костаныс. Бөрдөм и горзөм — мый сөмын эз кыв вөрсыыс. Сэсся лөкъяс кытчөкө ылысмисны.

Недыр мысти и Вөрса дед воис.

— Но, аддзылін лөкъяссө? — юаліс сійө.

— Аддзылі,— вочавидзис Миша.

— Вот и бур, — шуис дед. — Висьтав өні меным, кытчө кольччан: йөйяс дорө, дышъяс дорө, горшъяс дорө, дуркъяс дорө али лөкъяс дорө?

— Кольчча? — повзис Миша. — Ме некытчө ог кольччы. Ме бөр гортө муна.

— Гортад өд зіля велөдчыны ковмас, мамыдлы отсасыны, мыссыны быд лун некымынысь, горшасьөмтө вунөдны, нөйтны некодөс оз позь! — лыддьөдліс дед.

— Мед! Мед! — шуис Миша.

— Ме сідз и чайті, мый тэ бөр кутан вөзйысыны гортад, — нюмму-ніс дед. — Ме өд төда: тэысь коркө прамөй морт на петас. Сійөн и нов-лөдлі тэнө, мед гөгөрвоин бура, кызди колө өнісянь нин овны. А то эсь-кө эг и лэбөд бөрсө. А өні лэбөда. Пемдө нин со. Мамыд регид корсыны пондас. Кутчысь, Миша!

Миша кутчысис дедлы тошкас и качис сы бөрся енэжө. Лэбысыяс весьтын дзирдалісны кодзувъяс.

— Дедө, а тэ кодзувъясөдзыс он вермы кылөдчывны? — юаліс Миша. — Ок, эськө кылөдчылін кө!

— Ог вермы ме, Миша, — вочавидзис Вөрса дед. — Абу менам сы мында выныс. Ті, мортъяс, ме дорысь вынаджыкөсь. Тіян ракетаяс эмөсь. Быдмы өдйөджык, ло зільөн да сюсьөн. Ачыл лэбзыыв!

— Но! — радпырысь көсйысис Миша.



ЛЫСКО

Педьö дедлөн керка дорас, пöрысь коз пу улын, эм ичöтик мыльк. Ми казялім сійöс мама-нылаён ворсігөн, кор дзэбсим сэтчö. Öтияс ку-тисны шуны, мый мылькйис артмöма эжаён тупкыссьöм изйысь, мөдь-яс — пу садитöм бöрын кольöм му чукöрысь, а коймөдьяс мырдөн зі-лисны эскöдны, мый Педьö дедö гуалöма сэтчö дона көлуй да видзö ку-лігкежлас. Кутшöма көть эг вензьöй, сідзи öти кывйö эгö и воöй. Кык детинка заводитлісны паръявны мыльксö, но нинöм эз адзыны. Сэки кодкö шуис, мый бурджык юавны ассыс Педьö дедыслысь. Та вылын ми бурасим и энöвтім юалöмсö аскиöдз, сы вöсна мый вöлі сёр нин.

Аскинас ми локтім Педьö дед дорö да суим сійöс кильчö вылас. Ку-ран вöлі пуалö.

— Педьō дедō,— шыгасим сы дорō. — Тōрыт ворсiгōн ми коз пу ув-
сыйд мыльк аддзим. Мый нō сэни?

Дедō зумыштчис, мыйкō дыра чōв олис, сэсса ньōжйōник шуис:

— Нинōм сэн абу. Мыльк — мыльк и эм.

— Абу тай! — эгō эскōй ми. — Он кōсйи висьтавны да, дерт. Вись-
тав но, дедō!

— Висьтавны али мый?— быттō ассъыс юалис Педьō дедō.— Сō-
мын он ъд тi кывзōй.

— Кывзам, кывзам!

— Но, висьтала инōсь, — шуис дедō да видзōдлис ю сайын веж рōмōн
пōртмасъысь парма вылō. — Важōн нин тайō вōвлi. Онi ъд со быдторйис
миян сиктаным эм, а сэки, лешакыс тōдō, кыдзи овлим. Ура во кō вōлi,
кыйсыйлим, а эз кō урыс вōв, Уралō, Бōгусловō, пес пилитны ветлывлiм.
Он ъд кынōмтō тувйō ъшōд, нажōткаыд колō. Вот. Оти тулысō коль зэв
бура артмис. Видз пуктигōн казялим: уркайяс кутiсны сибōдчавны миян-
ланьō. Сiдзкō, думайтам, и ур воас. Урыд ъд сийō уркай (бōрся вōтчō.
Виччысьны дыр эз и ковмы. Кузь лунтыр сиктын понгъяс кутiсны увтчы-
ны. Быд пуын кык, а то и куим ур. Семō Васьōлы важ ботанас, чипангъ-
ясысь лук град дорас вōлi пуктылōма да, ъти асылō куим ур пырōмаѡсь.
Бōр лэдзалигас Васьōлысь, поконижкыльсь, кисō курчалōмаѡсь, да вежон
кōртōдōн ветлис, чōвтны ни нинōм эз вермы. Но, думайтам, олōм кō лōѡ,
и вōр-ва на таво ар видзōдлам. А менам сэки эз вōв понийōй. Уртōмалис
кузякодъ, да бырōдлi. Колō, думайта, пон лōсьѡдны, мед не кольччыны
йōзсъыс. А кодi нō ура воѡ бур пон вузалас? Некод оз. Кымын сиктō
кōтъ эг волы, некысь эз сюр. Медбōрын Тыдинō кайи, тасянь верст квай-
тымын лōѡ. Индiсны ъти нывбабаѡс: сылōн пō пон эм, ар куима кымын,
ачыс пō оз кыйсый, а верōсыс пō кулi, и гашкō, пō вузалас. Мунi ме
нывбаба дорад. Сёрнитчим. Вузалис сийō меным понтō. Кōртали ме кōв-
йōн Лыскоѡс (тадзи нимтылōмаѡсь понсō) и мōдōдчи гортō. Но и му-
читчыны жō ковмис меным. Ме кыска, а сийō оз лок, пыксьѡ нельнан
кокнас, эргō. Некодлы ъд гортсъыд абу окота муннытō. Мыйкō и ме ва-
йōдi жō сийōс! Но нойтны эг нойт, эг вид ни, мед лѡк морт пыдди менō
оз пукты. Вайōдi да дом йылын видзи: пышйōмысь на ъд полан. Воа
вōлi удж вылысь да медводз сы дорō: верда, малала, нимнас ыдждōдла.
Вот и велалис ме дiнō: ъд тэ кō бур, и сийō бур. Аскōд кутi уджаланинō
босьтлывлыны. Колян вōлi пажынтō, да, кōтъ лунтыр тшыг олас, оз жō
вōрзьѡд, оз жō исышт.

Педьō дедō кильчō бокō пыркōдіс кусōм каллянсьыс пōймсō, выль-
ысь пестіс да зєв горша гоз-мōдысь ньылыштіс табак тшынсō.

— А сєсся?— тєрмōдлім ми сійōс.

— А сєсся ар воис, ур кыйны Лыскокōд петім. Зільысьыс зіль вōлі сійō, оз бара ков ыстыны дінсьыд, мед мунас да коряс уртō. Кузь лун-
тыр котралō-визъялō, шойччōг оз тōдлы. Мунан ордым кузяыд — да
ōтарас петкōдчылас, видзōдан — да мōдарсяньыс нин локтō. Комын
куим урōдз увтлывліс. Мукōд кыйсьыссьыс вōлі дас вītōс, зєв нин кызьōс
медунасō льяяс, а ме дас вīt-кызь уртō этша лун вайлі. «Му увсьыс кō
нин корсьō-а?» — унаысь думайтлывлі. Сюсь пон вōлі, ой, сюсь! Ōтчыд
менō кутшōма на янōдіс!

— Кыдзи янōдіс?— пōшти ōттшōтш горōдім ми.

— Сідзи жō,— вочавидзис Педьō дедō. — Локта вōлі чомйō. Ывла-
ыс рōмыд нин. Лыско друг увтны кутіс. Час, жежала: оз тай ыльысь увт.
Кежи, видзōда пуяс костōдыс, да зєв кузь сук козыйсь увтō. «Тась нō,
Лыско, кыз кыям?» — шуа сылы. А сійō видзōдліс ме вылō да аслыс-
ногōн увтыштіс, бытьō шуис: «Кыям!» Кытшовті ме коз гōгōрыд ōтчыд
дай мōдысь, но нинōм эг аддзы. Быд ув-вож ōткодъ сьōд, дай — ставыс.
Перйи козъянысь черōс, тышки — бара жō некысь некод эз вōрззы.
«Пуаліс кō, Лыско, урыд-а?» — шуа. А Лыско увтō и увтō, ярысла коз-
йыслысь кырсьō нетшкō, улыс увъяссō ōддзōдчылōмōн чегъялō. «Эновт,
шуа, Лыско, абу ōд медбōръя ур». Чукōсті сійōс, а сійō вōтчōм пыдди
меным сōмын бōжнас люг-лег вōчис. Но, думайта, кынōмыд кутас сю-
мавны, да локтан, корōм оз ков. И муні чомйō. Думайтанныд локтіс?
Вот сійō и эм, мый эз. Асывнас, югдандорыс петі чомйысь, кывзысьышти:
увтō! Дерт, гежōда и омōльджыка, мудзōма жō, тыдалō, войбыднад, но
єн гōлōса вōлі, да бура на увтōмыс кыліс. Зєв ōдйō пасьтаси, сєйышти и
муні веськыда сы дорō. Видзōда да, век на сійō козсьыс увтō. «Но, мо-
касьтō, думайта, ур вōсна кō понйōс этатшōма мучитōма лои, и дивō».

А ывлаыс поводнōя нин югдіс, сōмын рытыввылын кымынкō кодзув
чусалісны на. Бара кытшовті коз гōгōрыд, бара нинōм эг аддзы. «Понсō
вомдзалісны кō-а, и менō тшōтш?» — думайта. Бурджыка видзōдны ку-
ті, коз йывсяньыс синмōн заводиті лєччыны и шōрвыяс кымын, медєя
сукинсьыс, аддзи сьōдоват єкмыль. «Мый лоан ло, думайта, лый-
ла, а сєсся ōд мыйкō тыдовтчас». Окті пищальōс, метитчи єкмыляд и
луйи. Єкмыльыд, видзōда да, доровмуні, уси улыссаджык ув вылō, сє-
сянь нōшта улō — и Лыско вомō. «Шыты!»— горōді да босьті, мый усис.

— А мый нō усис?— ставōн ми вōрзим места вылысь.

— Тулан! Вот мый усис! Шылыд пемыдвиж гона, ыджыд, мича, коть веськыда сылы гогорыд гартышт воротник пыдди. «Но, пасибб эв ыджыда,— шуа Лысколы,— тайб буртб ог вунбд». А сийб пуксис меным паныд да кутис видзбдны веськыда синмам, быттьб коритис менб: «Эн эскы меным, а не кб ме, пышйис эскб туланыд, эгб и аддзылбй». И меным збыльыс сэк яндзим лолб. Вот. Сюсь вблб понйис, ой, сюсь! Этшабс корсян бнб сэтшбмтб. Дас во ме дорын олбс да бтчыд эз тыртбмад увты. Ог лысьт кулитны, сбблбм оз лэпты.

— Сэсся нинбм эз и вбвлы?— юалбм ми.

— Мыйла эз вбвлы? Быдторйис вбвлб. Ошкыс унаыс мездылбс и.

— Висьтав но, Педьб дедб!— кутбм ми дзайгыны.

— Кутшбм ош кыйбм тбянлы и висьтавны? Первойсб кб нин-а. Сэки аслам повзбылбмыс лон. Но, мунбм ми Лыскокбд ош кыйны. Арнас на казьявлб водан местасб да лбсас вбчлб. Вот сийб лбсас кузяыс и воим гу дорас. Ме водзвыв перйб кузь збб да тувки помнас гу розяс. Ошкыд, кор водас, пыран местасб кбть и тыртыштас ув-бгбн да корьясбн, но лавнысб розь коляс. Тайб розыс тбвбыд оз тупкысылы, кбть мый джуджда лымьялас, сы вбсна мый гусыс шоныд ру петб. Вот сэтчб и тувки ме збб помнад. Лыско сулалбс ме дорын. Кор ошкыд мыччысис, уськбдчис сылы воча да чеччыштіс боквыв, мед ошкыс, сы вылб ыштбмбн, оз казьяв менб. Ошкыд абу на йбй. Казьялбс менб, равбстбс, йбткыштчбмбн вузвбдчис ме вылб. Ме пезьбдб курукбс. Тэрмасгад менам сувтсьбма веськыд кокбн лымйбн тырбм коз пбнбль вылб. Буретш лыйбгбн и лайкмунб понблбдыд. Инми ме ошкыдлы эг юрас, а сбмын косялб пулянас шоша вывсб. Ошкыд равбстбс воддзасыс на лбкыс, чеччыштіс боквыв да пызйыштіс мелань. Сэн, гашкб, менам и помбй вблб. Бд чербс кбть и кыски, чернад бнатб он на водзсась, а пишцальбй бти ствола. Кор зарадитан? Ыркмунб, быттьб жбдзыд ва ведра вылысб жисьтбсны. Но шудыд менам вблбма на. Лыско сувйыштіс оштб ббрсьяныс кокчбрас. Ошкыд бергбдчис, кбсйис тшапнитны Лыскотб, да он босьт: абу бд чурка, оз места вылас сулав! Сэк костб ме выльыс зарадитб пишцальбс и помалб оштб. Пукси ме ош вылад да чигарка гартышті, а Лыско вирсб нюлбс. Пасибб шубм пыдди кбсйи ме сйбс малыштны, а сийб оз сетчы, весиг эргыны кутбс ме вылб: абу на, вблбмкб, став скбрыс петбма. Вот и ставыс. Тырмас али оз на?

— Ещб, ещб!— кевмысим ми.

— Мый нб эскб нбшта тбянлы висьтавны? Но Кырйылын узьлбм.

— Кырйылын? — чуймим ми. — Муяс вылас?

— Сэж эз на вöвны муяс, вөр на сэни сулаліс. Сійö öд тiявлы кажитчö, быттьö нэмсö нин муяс.

— Мыйла нö гортаныд эн локтöй, сэтшöм матын кö вöлінныд?

— Эг тöд ме, мый матын вöвсьöма менам. Биясыс эз тыдавы-а. Жугалі маткаöй, компасöй, öнiя ногөн кö, шондi серти ковмис локны. Локтi-локтi ме кыйсигмоз веськыда вөрöдыс, да эг и тöдлы, кызд пемдiс. Кöсьян он кöсьи, а узь. Содтöд нöшта слöтитны кутiс, вежсис вöй улас поводдяыс да. Пөрöдi ме кос конда, орöдi кражьяс вылö, ноддя вöчи коз улö. Думайтa пукалiгмоз, мися, буракö, мунсис бокö и аски лунтыр на шöйтны ковмас. А, вöлöмкö, вөрö катöдысь туйыс кызь воськов сайын и эм. Сыланьбöсö ме эг ветлы, да эг и тöд. А Лыско эськö тöдiс, да висьтавынсьö эз куж. Сійö, гашкö, и дивитiс менö ас думсьыс. Войбыд ми терпитiм ськөд слöтсö. Мый эськö вöли лэччыны сылы гортö да шоныдiнын узьны, но эз мун, эз коль менö öтнамöс, а водiс да мекöд орччөн войсö колляліс. Мукöд мортыс тадзсö оз вöч. Вот.


Педьö дедö бара пестiс каллянсьö, чöскыда кыскыштiс курыд табак тшынсö.

— А гу йывсьыд эн висьтав да?— кватитчим ми.

— Гу йывсьыд?! Но, кывзöй нин, сiдзкö, помöдзыс. Оліс Лыско ме ордын дас во, кувтöдзыс, öти кывйөн кö. Көть пон, а семья пытшкын вердысьөн тшöтш вöли. Лёкөс сы йылысь нинöм висьтавын ог куж. Зато мясянь öтитор вöли, кодысь öнi на яндзим. Пöрысьмис Лыско, нырiссö воштiс, морт моз кутiс вöсьлөн ветлөдлыны. Мыйла, думайтa. видзны? Катöда вөр дорö да лыя. Думыштнытö кокни вöлөм, а лыйнытö и эз лэпты сьөлөмöй. Катöдi ме сійöс, домалi понöль бердö, ылыстчыны кутi. А сійö никсö да нетшкысьö. Көнкö, чайтiс, мый ме кыйсьыны муна, а сійöс ог босьт. Сувтi сы весьтö, октi пищальöс, веськөдi стволсö юрас. Сэж Лыскоыд менам и гөгөрвоис, мый ме кöсья вöчны. Ланьтiс, дугдiс нетшкысьынысö, пуксис да прöстаысь мыжалан морт моз кутiс видзöдны ме вылö. Кöсьи нин лыйны, но сэж менö друг босьтiс кöдзыд йирмög, киясьöй кутiсны тiравны, синмöй лапьяліс. Сулалi-сулалi ме и лэдзи пищальöс. Лэччөдi Лыскоöс бөр гортö. Оліс во кымын на да кулі аслас смерть-өн. Көдйи сылы гу, вольсалi лыскөн и гуалi тайö пöрысь коз улас.

ЗООПАРКЫН

Уна пӧлӧс ловъя лов
Зоопаркын олӧ.
Найӧс видлытӧг ог ов,
Кадысь кадӧ вола.



* * *

Каньлӧн кодъ дзык юрыс,
Сьылі вылас бурьсь.
Клетка пӧлӧн шӧйтӧ,
Бӧжнас асьсӧ нӧйтӧ.
Тӧдны абу сьӧкыд зэв:
Тайӧ — лев.

* * *

Вомыс пач вомысь на паськыд,—
Унджык сӧян сылы дасьты.
Госсялӧма — ӧдва вӧрӧ.
Мышку вылас дасӧн тӧран.
Сэтшӧм кыз — мед оз жӧ пот.
Тайӧ — бегемот.

* * *

Дурӧ, некор весь оз ов,
Сӧрйӧд чеччалӧ, оз пов.
Весиг увлань юрӧн ӧшгъяс,
Сӧмын кутчысьӧма бӧжнас,
Векуштчылас тӧныд паньд.
Тайӧ — обезьяна.

* * *



Бытьӧ, ыджыдӧс да шаньӧс,
Кутӧмаӧсь кыськӧ каньӧс.
Пӧт, оз вильӧд пунктӧм лысӧ.
Лапаясыс пескысь кызӧсь.
Оштӧ бара вермас дзык.
Тайӧ — тигр.

Турунвиж и сьодов рёма,
Лампа улö сюркмунöма:
Сылы сэтөн помся гожом.
Кывсö мыччылас да — вожа.
Ачыс кызджык тэнад сойысь.
Синнас веськыда дзык сёйö.
Бур, мый куйлö стеклö сайын.
Змей-питон.
Вот кодi тайö.

* * *

Кынём улас йöртöд ичöt,—
Муса писö сэтөн видзö.
Чеччалöмөн ветлö-мунö:
Лыбöдчылас, сесся сунö.
Öдзöдчас кө, он и су.
Тайö — кенгуру.

* * *

Лöz, и гөрд, и зарни рёма,—
Став лэбачсьыс мича гөна.
Ыджыд бөжсö паськөдас кө,
Он и аддзы сэки асьсö.
Тэлань оз и чöвтлы син!
Мыйся лэбач нö?
Павлин.

* * *


Аддзан тöдлытөг кө, повзян:
Бытьö мойдысь гундыр ловзём.
Вомыс ыджыд, бөжыс пиня,
Синмыс вирдалö, оз инась.
Куйлö — гашкö, кык сыв кузя.
Крокодилөн шусьö.

* * *

Еджыд, сьылыс зэв кузь,
Ылісяньыс бытьö юсь.



Локтан — аддзан: ыджыд ныра,
Нырас мешок сѣян тыра.
Юсьяскөд жö олö тан.
Тайö — пеликан.



* * *

Оз во пикö, гоз-мöд войтö
Вермас узьны ньöти сѣйтöг.
Мышку вылас, быттö нöб,
Госөн тырöм ыджыд гөрб.
Дузтёв, сёласьны зэв лүт.
Татшöм пембöсыс — верблюд.

* * *

Мöс моз сийöс он на домав,
Көть эськö и турун вомас,—
Дöзмöдан кө, лөгөн тырас.
Öти сюр, дай сийö нырас.
Видзöднысö рам, но лөк.
Тайö — носорог.

* * *

Аддзан — шемöс босьтö мортö:
Лэбач рöдысь жö, а бордтöм.
Ачыс таысь, дерт, оз шогав:
Перыдлуныс сьлөн кокас.
Ылöдз котöртас, оз жаяв.
Страус тайö.



* * *

Иирсыны зэв сьöкыд сылы,
Көть и зэв кузь сьлөн сьылі:
Водз кокъясыс торкалöны —
Быттö потшъяс нюжалöны.
Зато öктас, мый эм пуад.
Ми жирафөн сийöс шуам.

* * *

Гидысь джуджыд, ньӧжйӧ вӧрӧ.
Оланінас муртса тӧрӧ.
Нырыс нюжалӧ зэв кузя,—
И оз ныр, а хобот шусьӧ.
Рӧмыс рудов куыслӧн.
Тайӧ — слӧн.

* * *

Вӧв кодъ дзик, кӧть кут да сӧв,
Сӧмын абу сійӧ вӧв.
Ичӧтджык и тешкодъ рӧма:
Бытьӧ кодкӧ визьйӧдлӧма.
Весиг нырас визьяс эмӧсь.
Тайӧ — зебра, тэрыб пемӧс.

* * *



Бытьӧ ва дорын сьӧд мыр,
Сувтӧма, оз вӧрзъыв дыр.
Муртса юрсӧ доровтыштлас,
Ичӧг бордсӧ паськӧдыштлас.
Сэсса бара сувтас дув.
Чайтан, эз-ӧ нин сэн кув?
Шогсьӧ ёна сы вӧсна,
Мый оз сетны йиа ва.
Муса сылы кӧдзыдін.
Код нӧ татшӧмыс?
Пингвин.

* * *

Уска ныра, вомас кык
Чурмунӧма еджыд клык.
Лунтыр ваын, оз и петав:
Татӧн петкӧдчылас, сэтӧн.
Веськодъ сылы шонді гож.
Тайӧ — морж.

* * *

Уна пӧлӧс ловья лов
Зоопаркад олӧ.
Найӧс видлытӧг ог ов.
Но и ті тшӧтш волӧй.



ПӨРЫСЬ КАГА

Таня тыртö витöд ар.
Витöд ар, но вывті няр:
Мыйöн чеччас вольпась вылысь,
Сöмын бöрдöм кылан сылысь.
Бöрддзас:— Коді менсьым улöс
Йöткыштöма пызан улö?
Носкисö кө нуас кань,
Сэк нин ещö дыр оз ланьт;
Кöмыс кокас кө оз пыр,
Нырсö нюжйöдлас зэв дыр;
Бöрддзас, мыссигöн кө синмас
Майтöг быгтор муртса инмас;
Сейигöн кө сотас рок,
Сэк нин ещö лоö лёк.
— Пöрысь кага!— шуас мамыс,—
Весиг сейныд абу сямьд...
— Абу кага ме, а Таня! —
Нывка грöзитыштас паньнас
И, кор прöйдитас здук-мөд,
Шуас:— Ме öд ог нин бöрд.

МЫЙ ЛОӨ

Сийö ветлö тэкöд тшöтш,
Либö видзö горттö.
Бöрөн лыддян: овлö век
Мышкас туй выв мортлөн.
(пон — поп)

Ворсигчöжөн тайö кывсö
Унаысь ме шула тэд.
Бöрөн лыддьыны кө, лоö
Вöрын олысь мудер зверь.
(чур — руч)

Сийö увтасинысь кайö,
Кöни эмöсь тыяс, ёльяс.
Бöрөн лыддян: öдйö-öдйö
Пуö кайö, сейö кольяс.
(ру — ур)

Сийö быдмö шоныдйнын,
Сыысь пулам чöскыд рок.
Бöрөн лыддям — лоö чери,
Коді ёсь пиня да лёк.
(рис — сир)

ТЕШКОДЬ СИКТ

Õти сиктын —
Кõн, ог ликты —
Лоис тешкодь-тешкодьтор.
Потшõс вывсынь
Уси пывсян,
Нора бõрддзис кыз пу зор.

Тайõ мый на?
Утка кыйны
Мõдлапõлõ вуджис меж.
Йõрын чожа
Йõктис чошõ,
Весиг мõслõн петис веж.

Пõрысь петук
Вурун летис,
Сера чипан кõтис нянь.
Лабич вылын,
Мыйкõ сылиг,
Ыджид пестер кыис кань.

Зумыд шагõн
Ылыс ягысь
Лэччис сиктõ пожõм пу.
Чайтад, сõра?
Лыддьõм бõрад,
Õни мый кõtь меным шу.

ПОРСЬ СЕРАМ

Коля кайис садса пуõ,
Чеччыштіс, но эз во муõ,
Õти ув сән чеги — трач!
Мõдõ пысасис важ гач.
Кыздз кõtь сійõ эз пес вын,
Увйысь сылõн гач эз мын.
Локталісны сэтчõ порсьяс:
«Мый пõ тайõ мортыс корсьõ?
Мыйла увлань лэдзõм юр,
Али тадзсõ сылы бур?»
«Аслад вильышлунла дзугсин,—
Медся пõрысь порсьыс руксіс,—
Шуа тэныд, кõtь ме порсь,
Бордтõг лэбавны оз позь».

ШАРИК ДА ТУЗИК

Шарик да Тузик,
Сиктысь кык пон,
Воисны спорö,
Коді медьён.

— Ме! — шуö Шарик.

— Ме! — шуö Тузик.

Пузис сэк Шарик,
Тузик тшöтш пузис.

Лэптисны щöтьсö,
Кыкнанныс — яр.
Ывлаын сöмын
Кылö вур-вар.

Лыско сэт вöлі
Котöртö маті.
— Мый нö нин, — шуö, —
Юканныд татөн?

Лэдзисны щöтьсö
Пурьсысь кык пон:
— Спорö ми воим,
Коді медьён.

— Ме! — содтіс Шарик.

— Ме! — содтіс Тузик.

Пузис сэк Шарик,
Тузик тшöтш пузис.

Лэптисны щöтьсö,
Кыкнанныс — яр.
Ывлаын бара
Кылö вур-вар.

Скөрмис сэк Лыско:
— Дугданныд онö!
Ветламö вөрö,
Зэв кö нин ёнёсь.

Вöрас ме вöлі,
Кöин дук кылö.
Ме чайта, эз на
Пышйы зэв ылö.

Мунамöй öдйö.
Туй тан эм веськыд!
Видзöдö Лыско,
Аслыс оз эскы:

Тіралö Тузик,
Быттьöкö кынмö.
Шариклөн бöжыс
Кынöмас инмö.

КЫВПЕСАНЪЯС

Перыд Педөр
Ветліс недыр.
Вайис Педөр
Ки тыр сэтөр.

Пуыс сись,
Пуас сизь.
Пусө сизьдө,
Розыс письтө.

Йөрүн,
Шөрүн,
Полөкалө.
Полөкалө
Вөрышталө.

Руксө поресь,—
Он на-й корсь.
Гөгөр нййт,—
Он и чайт.

Сюра мегө,
Бөжыс легө,
Өти сюрыс
Регыд чегө
Люкасьөмысла.

Кикируллю —
Сьылө гулю.

Баксө кычан,
Увтө меж.
Оз кө лөсяв —
Ачыд веж!

Тасьті-пань.
Черинянь.
Чери корө
Сера кань.

Шоньд гожөм,
Шоньд рыт.
Шуим пуны
Шома шьд.

Пызан сайын
Сөйө Қоля.
Пызан сайө
Ставсө коляс.

Татшөм вөрад
Тшакыд эм.
Татшөм вөрад
Тшакыд тшем.

Дзирья дорын
Дзөля чибө.
Сэтшөм мича,
Но оз сибөд.

ЮРИНДАЛЫСЬ

Гөрд флага му	3	Иван да ми	27
Школаё	4	Мый, көть и вётаси	28
Дружба	4	Менам Серко	28
Пионер	5	Ыджыд нин	29
Менам эмось ёртъяс	5	Артасьом	30
Ми — октябрята	6	Нявда	31
Сійо вайис победа	6	Петя	32
Граница	7	Машина	33
Ленинлөн гөснеч	8	Ачым тода	33
Сержант Сажин	11	Рөмпöштан	34
Сөстөм дөрөм	16	Сквореч поз	34
Чери	20	Коля шогмө космонавтö	36
Надя да Лөзук	22	Вөrsa дед да Миша	40
Миян сиктын	23	Лыско	49
Видза колян, шоныйд гожөм	23	Зоопаркын	54
Велөдчы	24	Пөрысь кага	58
Быттö карын	24	Мый лоб	58
Нывкалөн висът	25	Тешкодъ сикт	59
Ог кольчы вокысь	25	Порсь серам	59
Талун празник	26	Шарик да Тузик	60
Первомай	26	Кывпесанъяс	61
Мамö, эн вид	27		

для младшего школьного возраста

Геннадий Анатольевич Юшков

Шаловливый народ

Художник М. П. Безносов

Редактор **В. Попов**. Художественный редактор
А. Мошев. Технические редакторы **А. Вишнева**,
З. Игнатова. Корректор **Е. Сидорова**.

Сдано в набор 10/IX-1974 г. Подписано к печати 1/XI-1974 г. Формат 70×90^{1/16}. Бум. л. 2,0; печ. л. 4,68; уч.-изд. л. 3,45. Заказ № 4718.

Тираж 5000. Цена 13 коп. Бумага № 1.

Коми книжное издательство. Сыктывкар,
Дом печати.

г. Сыктывкар, Республиканская типография
Управления по делам издательств, полиграфии и
книжной торговли Совета Министров Коми АССР.

ДОНА ЧЕЛЯДЫ!

Ті лыддинныд коми гижысь Геннадий Анатольевич Юшковлысь гижөдзяссө. Аслысплөслуныс татшөм сяма книгаяслөн сыын, мый найöс артмөдöма уна жанра гижөдзясысь — и висьтзяс, и кывбурзяс, и пьеса пырисны тайö книгаö. Эмöсь гырысьджык арлыдалы гижөдзяс, эмöсь и поснияслы. Но öтлаас чукöртöм гижөдзясыс петкөдлöны писательлысь творческой туй визьсö, сылысь чужöмбансö.

Гижöй миянлы, кажитчис-ö тiянлы Г. А. Юшковлөн книгаыс. Мый эськö көсийинныд, мед ми лэдзим водзö вылö?

Адресным важыс на:
167610, Сыктывкар, К. Маркс нима улича,
229, Печать керка, Коми книжнöй издательство.

13 кбп.

КОМИ КНИЖНОЙ ИЗДАТЕЛЬСТВО · 1974